

全
校
水
經
注

ル 5
134
9



東京書
學校圖書

卷
134
9

水經注第二十八

范陽酈道元注 鄞全祖望校

布政使銜浙江甯紹台兵備道無錫薛福成校刊

泗水

泗水出魯卞縣北山

地理志曰出濟陰乘氏縣又云出卞縣北經言北山皆為非矣山海經曰泗水出魯東北余昔因公事沿歷徐沅路逕洙泗因令尋其源流水出卞縣故城東南桃墟西北

春秋昭公七年謝息納季孫之言以孟氏成邑與晉而遷于桃杜預曰魯國卞縣東南有桃墟世謂

之曰陶墟舜所陶處也井曰舜井皆為非也

墟有漏澤方一

今按戴無此字

十五里淥水激渟三丈如減

澤西際阜

俗謂之媯亭山蓋有陶墟舜井之言因復有媯亭之名矣

阜側有三石穴廣圓三四尺穴有通否水有盈漏漏

則數夕之中傾陂竭澤矣左右民居識其將漏預以

木為曲泚

梓材按朱謀埠本作預以木為曲泚趙氏刊誤云狀全氏校改泚○今按戴亦依改

約障穴口魚鼈暴鱗不可勝載矣自此連岡通阜西

北四十許里岡之西際便得泗水之源也博物志曰

泗出陪尾蓋斯阜者矣石穴吐水五泉俱導泉穴各

徑尺餘水源南側有一廟栝柏成林時人謂之原泉

今按此二字戴作屈原

祠非所究也泗水西逕其縣故城南

春秋襄公二十九年季武子取卞曰聞守卞者將

叛臣率徒以討之是也南有姑蔑

今按趙作蔑下同

城春

秋隱公元年公及邾儀父盟于蔑者也水出二邑

之間

西逕郟城北

春秋文公七年經書公伐邾三月甲戌取須句遂

城郟杜預曰魯邑也卞縣南有郟城備邾難也

泗水自卞而會于洙水也

西南過魯縣北

泗水又西南流逕魯縣分爲二流水側有一城爲二水之分會也北爲洙濱

春秋莊公九年經書冬浚洙京相璠曰今按戴無此字服

虔杜預並言梓材按趙氏朱箋刊誤云曰下全氏校增服虔二字。今按戴趙並依增

洙水在魯城北浚深之爲齊備也

南則泗水

夫子教于洙泗之間今于城北二水之中即夫子領徒之所也從征記曰洙泗二水交于魯城東北

十七里闕里背洙面泗南北一今按戴無此字百二十步

東北六十步四門各有石閘北門去洙水百步餘後漢初闕里荆棘自闕從講堂至九里鮑永爲相

因修饗祠以誅魯賊彭豐等郭緣生言泗水在城南非也余按國語宣公夏濫于泗淵里革斷罟棄

之韋昭云泗在魯城北史記冢墓記梓材按舊本作冢記趙氏朱箋刊誤引全氏云當作冢墓王隱地道記咸言

葬孔子于魯城北泗水上今泗水南有夫子冢春秋孔演圖曰鳥化爲書孔子奉以告天赤爵銜書

上化爲黃玉刻曰孔提命作應法爲赤制說題辭

曰孔子卒以所受黃玉葬魯城北卽子貢廬墓處也
 也譙周云孔子死後魯人就冢次而居者百有餘家
 命曰孔里孔藜曰夫子墓塋方一里在魯城北六里
 泗水上諸孔氏封五十餘所人名昭穆不可復識有銘碑
 三所獸碣俱存皇覽曰弟子各以四方奇木來植故多
 諸異樹不生棘木刺草今則無復遺條矣

泗水自城北南逕魯城西南合沂水沂水出魯城東南
 尼邱山西北

山卽顏母所祈而生孔子也山東一今按戴無此字十里

有顏母廟山南數里孔子父葬處禮所謂防墓崩者也

平地發泉流逕魯縣故城南

水北東門外卽爰居所止處也國語曰海鳥曰爰
 居止于魯城東門之外三日臧文仲祭之展禽譏焉
 故莊子曰海鳥止郊魯侯觴之奏以廣樂具以太牢
 三日而死此養非所養矣門郭之外亦戎夷死處呂氏
 春秋曰昔戎夷違齊如魯天大寒而後門與弟子宿于
 郭門外寒愈甚謂弟子曰子與我衣我活我與子衣子
 活我國士也爲天下惜子不

肖人不足愛弟子曰不肖人惡能與國士并衣哉

戎夷今按戴無此字刊誤也歎曰不濟夫解衣與弟子半夜

而死沂水北對稷門昔圉人犖有力能投蓋于此

門服虔曰能投千鈞之重過門之上也杜預謂走

接屋之角反覆門上也春秋僖公二十年經書春

新作南門左傳曰書不時也杜預曰本名稷門僖

公更高大之今猶不與諸門同故今按趙名高門

也其遺基猶在地八丈餘矣亦曰雩門春秋左傳

莊公十年公子偃請擊宋師竊從雩門蒙臯比而

出者也門南隔水有雩壇壇高三丈曾點所欲風

舞處也高門一里餘道西有道兒君碑是魯相陳

君立昔曾參居此臯不入郭縣卽曲阜之地少昊

之墟有大庭氏之庫春秋監牛之所攻也故劉公

幹魯都賦曰戢武器于有炎之庫放戎馬于巨野

之垆周成王封姬旦于曲阜曰魯秦始皇二十三

年以爲薛郡漢高后元年爲魯國按是文引漢志然實班氏之誤

高后以城陽爲魯國不以薛郡其時薛郡屬楚國阜上有季氏宅宅有武

子臺今雖崩夷猶高數丈臺西百步有大井廣三

丈深十餘丈以石壘之石似磬制春秋定公十二

年公山不狃帥費人攻魯公入季氏之宮登武子

之臺也臺之西北二里有周公臺高五丈周五十步臺南四里許則孔廟即夫子之故宅也宅大一頃所居之堂後世以為廟漢高祖十三年過魯以太牢祀孔子自秦燒詩書經典淪缺漢武帝時魯共王壞孔子舊宅得尚書春秋論語孝經時人已不復知有古文謂之科斗書漢世秘之趙氏朱箋刊誤云宋本作漢時全氏校改希有見者于時聞堂上有金世○今按戴亦依改石絲竹之音乃不壞矣今按戴無此字廟屋三間夫子在西間東向顏母在中間南面夫人隔東一間東向夫子牀前有石硯一枚作甚朴云平生時物也魯

人藏孔子所乘車于廟中是顏路所請者也獻帝時廟遇火燒之永平中鍾離意為魯相到官出私錢萬三千文付戶曹孔詵治夫子車身入廟拭几席劔履男子張伯除堂下草土中得玉璧七枚伯懷其一以六枚白意意令主簿安置几前孔子寢堂牀首有懸甕意召孔詵問何等甕也對曰夫子甕也背有丹書人勿敢發也意曰夫子聖人所以遺甕欲以懸示後賢耳發之中得素書文曰後世修吾書董仲舒護吾車拭吾履發吾笥會稽鍾離意壁有七張伯藏其一意即召問伯果服焉魏黃

初二今按戴年文帝令郡國修起孔子舊廟置百石今按趙吏卒廟有夫子像列二弟子執卷立侍穆穆有詢仰之容漢魏以來廟列七碑二碑無字栝柏猶茂廟之西北二里有顏母廟廟像猶嚴有修栝五株孔廟東南五百步有雙石闕即靈光之南闕北百餘步即靈光殿基東西二十四丈南北十二丈高丈餘東西廊廡別舍中間方七百餘步闕之東北有浴池方四十許步池中有釣臺方十步臺之基岸悉石也遺基尚整故王延壽賦曰周行數里仰不見日者也是漢景帝程姬子魯其王

之所造也殿之東南即泮宮也在高門直北道西宮中有臺高八十尺臺南水東西一今按戴百步南北六十步臺西水南北四百步東西六十步臺池咸結石為之詩所謂思樂泮水也

沂水又西逕圓邱北

邱高四丈餘

沂水又西流昔韓雉射龍于斯水之上

尸子曰韓雉見申羊于魯有龍飲于沂韓雉曰吾聞之出見虎搏之見龍射之今弗射是不得行吾聞也遂射之

沂水又西右注泗水者今按戴無此字也

又西過瑕邱縣東屈從縣東南流瀟水從東來注之

瑕邱魯邑春秋之負瑕矣哀公七年季康子伐邾

因諸負瑕是也應劭曰瑕邱在縣西南昔衛大夫

公叔文子升于瑕邱蘧伯玉從文子曰樂哉斯邱

死則我欲葬焉伯玉曰吾子樂之則璦請前刺其

欲害民良田也瑕邱之名蓋因斯以表稱矣曾子

弔諸負夏鄭玄皇甫謐並言衛地魯衛雖殊土則

一也周嬰曰縣邑同號地志已多于時魯有瑕邱何知衛無茲壟周之典制國有分土行李所

過聚椽是防若瑕邱獨為魯田寸壤皆非衛有未聞衛命介使憑覽敵國之墟而終沒大夫卜窆強

鄰之陌者也且此處所敘咸在宋魯封域忽入衛事于理殊乖又負夏可為負瑕則虞舜所遷豈亦在是乎

瀟水出東海合鄉縣

漢和帝永寧九年今按戴作安帝永初七年封馬光子復今按戴作

朗為侯國

其水西南流入邾

春秋哀公二年季孫斯伐邾取瀟東田及沂西田是也

瀟水又逕魯國鄒山東南而西南流

春秋左傳所謂嶧山也邾文公之所遷今城在鄒

山之陽依巖阻以墉固故邾之國曹姓也叔梁紇之邑也孔子生于此後乃縣之因鄒山之名以氏縣也以鄒爲鄒則孔子乃邾人也善長可謂大謬矣王莽之鄒亭矣京相璠曰地理志嶧山在鄒縣北繹邑之所依以爲名也山東西二十里高秀獨出積石相臨殆無土壤石間多孔穴洞達相通往往有如數間屋處其俗謂之嶧孔遭亂輒將家今按趙無此字而有處人二字入嶧外寇雖衆無所施害晉永嘉中大尉郗鑒將鄉曲保此山胡賊攻守不能得今山南有大嶧名曰郗公嶧山北有絕巖秦始皇觀禮于魯登于嶧山之

上命丞相李斯以大篆勒銘山嶺今按趙作頂名曰書

今按戴作書門詩所謂保有鳧嶧者也

鄒水又西南逕蕃縣故城南又西逕薛縣故城北

地理志曰夏車正奚仲之國也竹書紀年梁惠成

王三十一年邳遷于薛改名徐州城南山上有奚

仲冢晉太康地記曰今按趙無此字奚仲冢在城南二十

五里山上百姓謂之神靈也齊封田文于此號孟

嘗君有惠譽今郭側猶有文冢結石爲郭作制巖

固瑩麗可尋行人往還莫不逕觀以爲異見矣

鄒水又西逕仲虺城北

晉太康地記曰奚仲遷于邳仲虺居之以爲湯左
相其後當周爵稱侯後見侵削霸者所出爲伯任
姓也應劭曰邳在薛徐廣史記音義曰楚元王子
郢客以呂后二年封上邳侯也有下故此爲上矣
晉書地道記曰仲虺城在薛城西三十里
潞水又西至湖陸縣入于泗故京相璠曰薛縣潞水
首受蕃縣西注山陽湖陸是也經言瑕邱東誤耳
又南過平陽縣西

縣卽山陽郡之南平陽縣也竹書紀年曰梁惠成
王二十九年齊田辟及宋人伐我東鄙圍平陽者

也王莽改之曰鼂平矣

泗水又南逕故城西

世謂之漆鄉應劭十三州記曰漆鄉邾邑也杜預

曰平陽東北有漆鄉郭今按戴無此字今見有故城西南

方二里所未詳也

又南過高平縣西洸水從西北來流注之

泗水南逕高平山

山東西十里南北五里高四里與衆山相連其山

最高頂上方平故謂之高平山縣亦取名焉

泗水又南逕高平縣故城西

漢宣帝地節三年封丞相魏相為侯國姜宸英曰此二句是後人所妄加蓋善長既知高平是王莽所改則魏相所封非此高平明矣豈尚引之乎何焯曰弱翁所封蓋臨淮之高平地志注曰侯國者也高帝八年封將軍陳錯為橐侯按八年當作七年陳錯侯徑改○梓材按趙本又引沈炳巽曰橐今史漢表皆作橐誤也小司馬曰屬山陽則是橐矣臣瓚曰音拓然師古注漢表讀作公地理志曰縣故山陽老翻是唐人已誤橐為橐矣地理志曰縣故山陽之橐也按漢志無是文○今按戴應劭曰章帝改按本志曰王莽更名章帝因之矣所謂泚水者泚水也蓋泚泚相入互受通稱矣

又南過方與縣東

漢哀帝建平四年縣女子田無嗇生子先未生二月月兒啼腹中及生不舉葬之陌上三日人過聞啼聲母掘養之

蒟水從西來注之

蒟水即沛今按戴作濟下同水之所苞注以成湖澤也而東

與泗水合于湖陵縣西六十里穀庭城下俗謂之黃水口黃水西北通巨野澤蓋以黃水沿注于蒟故以名焉

又屈東南過湖陸縣南涓涓水從東北來流注之地理志曰故湖陵縣也蒟水在南

王莽更今按戴曰湖陸

應劭曰今按趙有一名湖陸章帝封東平王蒼子為

湖陸今按趙作侯更名湖陸也泗水又東逕郟鑿所

築城北又東逕湖陵城東南

昔桓温之北入也范擘擒慕容忠于此城東有度

尙碑

泗水又左會南梁水地理志曰水出蕃縣今縣之東

北平澤出泉若輪焉發源成川西南流分為二水北

水枝出西逕蕃縣北今按趙西逕滕城北

春秋左傳隱公十一年滕侯薛侯來朝爭長薛侯

曰我先封滕侯曰我周之卜正也薛庶姓也我不

可以後之公使羽父請薛侯曰君辱在寡人周諺

有之曰山有木工則度之賓有禮主則擇之周之

宗盟異姓為後寡人若朝于薛不敢與諸任齒君

若辱貶寡人則願以滕君為請薛侯許之乃長滕

侯者也漢高祖封夏侯嬰為侯國號曰滕公夏侯

為滕令故號滕公非封于鄧晨曰今沛郡公邱也

其水又溉公今按戴趙邱焉

縣故城在滕西北城周二十里內有子城梓材按

落九字趙本據名勝志補今依之○今按按地理

趙所據補見朱箋刊誤本條戴亦依補

泗水

志即滕也周懿王子錯叔繡文公所封也齊滅之秦以為縣漢武帝元朔三年封魯共王子劉順為侯國

世以此水溉我良田遂及百秭故有兩溝之名焉南梁水自枝渠西南逕魯國蕃縣故城東俗以南鄰于鄒亦謂之西鄒水南梁水又屈逕城南

應劭曰縣古小邾邑也

地理志曰其水西流注于沛渠今按趙沛在湖陸西無此字而左注泗泗沛合流故地記或言沛入泗泗亦言入沛互受通稱故有入沛之文關駟十三州志曰西至

湖陸入泗是也經無南梁之名而有涓涓之稱疑卽是水也戴延之西征記亦言湖陸縣之東南有涓涓水亦無記于南梁謂是吳王所道之瀆也余按湖陸西南止有是水延之蓋以國語云吳王夫差起師將北會黃池掘溝于商魯之間北屬之沂西屬于沛以是言之故謂是水為吳王所掘非也余以水路求之止是今按戴沛有矣字泗川耳蓋北達沂西北逕于商魯而接于沛今按戴吳所浚廣耳非謂起自東北受沂西南注沛也假之有通非吳所趣年載誠眇人情廁則近以今村古益知延之之不通情理矣泗水又南

灑水注之又逕薛之上邳城西而南注者也前已言灑水自

湖陸入泗矣此又忽出灑水注泗之文不幾復與儻所謂西灑水近是

又南過沛縣東

昔許由隱于沛澤卽是縣也縣蓋取澤爲名宋滅

屬楚在泗水之濱于秦爲泗水郡治

黃水注之黃水出小黃縣黃鄉黃溝

國語曰吳子會諸侯于黃池者也

黃水東流逕外黃縣故城南

張晏曰魏郡有內黃縣故加外也薛瓚曰縣有黃溝故縣氏焉圈稱陳留風俗傳曰縣南有渠水于

春秋爲宋之曲棘里故宋之別都矣春秋昭公二

十五年宋元公卒于曲棘是也宋華元居于稷里

宣公十五年楚鄭圍宋晉解揚違楚今案趙致命

于此宋人懼使華元乘圍夜入楚師登子反之牀

乘圍是穀梁傳文登牀是左氏傳文善長合而成書曰寡君使元以病告敝

邑易子而食析骸以爨城下之盟所不能也子反

退一舍宋楚乃平今城東圍上猶有華元祠祠之

不輟城北有華元冢

黃溝自城南東逕葵邱下

春秋僖公九年齊桓公會諸侯于葵邱宰孔曰齊

侯不務德而勤遠略北伐山戎南伐楚西爲此會
東略之不知西則否矣其在亂乎君務靖亂無勤
于行晉侯乃還卽此地也

黃溝又東注大澤蒹葭莞今按戴作萑葦生焉卽世所謂

大薺陂也陂水東北流逕定陶縣南又東逕山陽郡

今按此六字改經爲注戴趙同成武縣之楚邱亭北黃溝又東逕成

武縣故城南

王莽更之曰成安也

黃溝又東北逕郟城北

春秋桓公二年經書取郟大鼎于宋戊申納于太

廟左傳曰宋督攻孔父而取其妻殺殤公而立公

子馮以郟大鼎賂公臧哀今按趙作儻而辨之伯諫爲非禮

十三州志曰今成武縣東南有郟城俗謂之北郟

者也

黃溝又東逕平樂縣故城南又東右合泡水卽豐水

之上源也水上承大薺陂東逕貫今按趙作貫城北又東

逕己氏縣故城北

王莽之己善也縣有伊尹冢崔駰曰殷帝沃丁之

時伊尹卒葬于薄皇覽曰伊尹冢在濟陰己氏平

利鄉皇甫謐曰伊尹年百餘歲而卒大霧三日沃

丁葬以天子之禮親自臨喪以報大德焉

又東逕孟諸澤

杜預曰澤在梁國睢陽縣東北

又東逕郟城今按戴縣故城南

地理志曰今按戴無此字山陽縣也王莽更名之曰告成

矣故世有南部北郡之論也

又東逕單父縣故城南

昔宓子賤之治也孔子使巫馬期觀政入其境見

夜漁者問曰子得魚輒放何也曰小者吾大夫欲

長育之故也子聞之曰誠彼形此子賤得之善矣

惜哉不齊所治者小也王莽更名斯縣為利父矣

世祖建武十三年封劉茂為侯國

又東逕平樂縣右合泡水水上承睢今按趙作淮下同水于

下邑縣界東北注一水上承睢水于杼秋縣界北流

世又謂之瓠盧溝水積為渚渚水東北流二渠雙引

左合豐今按戴作澧下豐泡同水俗謂之二泡也自下豐泡並

得通稱矣故地理志曰平樂侯國也泡水所出又逕

豐西澤謂之豐水

漢書稱高祖送徒麗山徒多亡到豐西澤有大蛇當徑拔劍斬之此即漢高祖斬蛇處也

又東逕大堰水分爲二又東逕豐縣故城南

王莽之吾豐也

水側城東北流右合枝水上承豐西大堰派流東北

逕豐城北東注豐今按戴作水豐水又東合黃水時

人謂之狂水

蓋狂黃聲相近俗傳失實也

自下黃水又兼通稱矣

水上舊有梁謂之泡橋王智深宋史云宋太尉劉

義恭于彭城遣軍主稽今按趙玄敬北至城覘候

魏軍魏軍于清西望見玄敬士衆魏南康侯杜道

儁引趣泡橋沛縣民逆燒泡橋又于林中打鼓儁

謂宋軍大至爭渡泡水水深酷寒凍溺死者殆半

清水卽泡水之別名也濟水入汶謂之清水六朝所

爭皆泗上之清水而非濟水也其地有曰清西則

元嘉二十七年魏將拓跋建自清西屯蕭城日清

東則魏將步尼公自清東屯留城日清南則天監

五年梁將藍懷恭築城清南日清中則永明三年

齊角城戍主張蒲入清中是也宋沈攸之魏尉元

淮之地故亦謂之睢清口泰始三年齊將陳顯達

引兵入睢清口是也建元三年齊角城將李安民

敗魏師于孫谿渚胡三省曰渚在沈約宋書稱魏

清水之濱○趙本引全氏校語

軍欲渡清西非也

泡水東逕沛縣故城南

泗水

泗水

秦末兵起蕭何曹參迎漢祖于此城高帝十一年封合陽侯劉仲子為侯國城內有漢高祖廟廟前有三碑後漢立廟基以青石為之階陛尚存劉備之為徐州也治此袁術遣紀靈攻備備求救呂布布救之屯小沛招靈請備共飲布謂靈曰玄德布弟也布性不熹今案戴作喜下同合鬪但熹解鬪乃植戟于門布彎弓曰觀布射戟小枝今按趙作支中者當各解兵不中可留決鬪一發中之遂解此即布射戟之處也述征記曰城極大四周塹今按趙作塹通豐水豐水于城南東注泗即泡水也地理志曰泡水自平

樂縣東北至沛入泗者也

今本漢志誤以泡水至沛為淮水至沛當以此注正

之泗水南逕小沛縣東

縣治故城南垞上東岸有泗水亭漢高祖為泗水亭長即此亭也故亭今有高祖廟廟前有碑延熹十年立廟闕崩禡畧無全者水中有故石梁處遺石尚存高祖之破鯨布也過之置酒沛宮酒酣歌舞慷慨傷懷曰遊子思故鄉也

泗水又東南流逕廣戚縣故城南

漢武帝元朔元年封劉澤今按戴作擇為侯國按善長引史漢表之例王子侯必稱某王之名則此文當云魯共王子擇擇漢表作將今云澤亦誤也王莽

更之曰力聚也

泗水又逕留縣而南逕坨城東

城西南有崇侯虎廟道淪遺愛不知何因而遠有

此圖

泗水又南逕宋大夫桓魋冢西

山枕泗水西上盡石鑿而為冢今人謂之石郭者

也郭有二重石作工巧夫子以為不如死之速朽

也

又東南過彭城縣東北

泗水西有龍華寺是沙門釋法顯遠出西域浮海

東遷持龍華圖首創此制法流中夏自法顯始也

其所持天竺二石仍在南陸東基堪中其石尙光

潔可愛

泗水又南獲

今按趙作淮

水入焉而南逕彭城縣故城東

周顯王四十二年九鼎淪沒泗淵秦始皇時而鼎

見于斯水始皇自以德合三代大憲

今案戴作喜

使數

千人沒水求之不得所謂鼎伏也亦云系而行之

未出龍齒齧斷其系故語云稱樂大早絕鼎系當

是孟浪之傳耳

按周鼎何以過彭城而沒泗水李復疑之舊矣且赧王五十九年而

亡次年秦始皇取九鼎見于周本紀上距顯王四十二年乃惠文王之十一年顯王又六年而崩間以

慎觀王六年至赧王之五年乃武王之元年其八年武王薨據甘茂傳武王葬周蓋舉鼎絕臚而死則是時鼎又未入泗又歷五十一而九鼎始不保以道里計之浮河入渭即至秦土豈由泗乎又況在六十二年之前也其妄明矣史記封禪書又謂宋太邱社亡而鼎沒泗水是周鼎早在宋也夫周鼎何以在宋太邱之社更不可曉矣且使果然則事在顯王三十三年又前乎此亦非四十二年又秦始皇紀是祠泗水以求鼎非鼎見也張守節曰赧王十九年秦昭王取九鼎其一飛入泗水其八入秦是又一說也

○趙本引全氏校語

泗水又逕龔勝墓南

墓碣尚存

又逕亞父冢東

皇覽曰亞父冢在廬江縣郭東居巢亭中有亞父

井吏民親事皆祭亞父于居巢廳上後更造祠于郭東至今祠之按漢書項羽傳歷陽人范增未至彭城而發疽死不言之居巢今彭城南有項羽涼馬臺臺之西南山麓上即其冢也增不慕范蠡之舉而自絕于斯可謂褊矣推考書事墓近于此也

又東南過呂縣南

呂宋邑也春秋襄公元年晉師伐鄭及陳楚子辛救鄭侵宋呂留是也縣對泗水漢景帝三年有白頸烏與黑烏羣鬪于縣白頸烏不勝墮泗水中死者數千京房易傳曰逆親親厥妖白黑烏鬪時有

吳楚之反

泗水之上有石梁焉故曰呂梁也

昔宋景公以弓工之弓彎弧東射矢集彭城之東
飲羽于石梁即斯梁也懸瀉瀨澗實為泗險孔子
所謂魚鼈不能游又云懸水三十仞流沫九十里
今則不能也蓋惟嶽之喻未便極天明矣晉太康
地記曰水出磬石書所謂泗濱浮磬者也

泗水又東南流丁溪水注之溪水上承泗水于呂縣
東南流北帶廣隰山高而注于泗川泗水冬春淺澀
常排沙通道是以行者多從此溪即陸機行思賦所

云乘丁水之捷岸排泗水之積沙者也晉太元九年

左將軍謝玄于呂梁遣督護聞人爽用工九萬擁水

立七埭

今按戴作拖

以利運漕者

今按趙無此字

又東南過下邳縣西

泗水歷縣逕葛嶧山東

即奚仲所遷邳嶧者也

泗水又東南逕下邳縣故城西東南流沂水流注焉

故東海屬縣也應劭曰奚仲自薛徙居之故曰下

邳也漢徙齊王韓信為楚王都之後乃縣焉王莽

之閭儉矣東陽郡治文潁曰秦嘉東陽郡人今下

邳是也晉灼曰東陽縣本屬臨淮郡明帝分屬下邳後分屬廣陵故張晏曰東陽郡今廣陵郡也漢明帝置下邳郡矣城有三重其大城中有大司馬石苞鎮東將軍胡質司徒王渾監軍石崇四碑南門謂之白門魏武擒陳宮于此處矣周嬰曰白門先非公臺也唐太子賢注范書引此注所禽者乃奉蓋未知善長之誤也。此從趙本錄入中城呂布所守也小城晉中興北中郎將荀羨郗曇所治也昔太山吳伯武少孤與弟文章相失二十餘年遇于縣市文章欲歐伯武心神悲慟因相尋問乃兄弟也

縣為沂泗之會也又有武原水注之水出彭城武原縣西北會注陂南逕其城西

王莽之和樂亭也縣東有徐廟山山因徐徙即以名之也山上有石室徐廟也

武原水又南合武水謂之泲水漢志太山郡南武陽縣冠石山治水所出南至下邳入泗應劭曰武水所出南入泗水經注則以為泲水而不云出冠石山至沂水篇注云治水出南武陽之冠石山顧不云入泗而云入南逕剛亭城沂其舛錯如此。趙本引全氏校語

又南至下邳入泗謂之武原水口也又有桐水出西北東海容邱縣東南至下邳入泗泗水東南逕下相縣故城東

王莽之從德也城之西北有漢太尉陳球墓墓前有三碑是弟子管寧華歆等所造初平四年曹操攻徐州破之拔取慮睢陵夏邱等縣以其父避難害于此屠其男女十萬泗水為之不流自是數縣人無行跡亦為暴矣

泗水又東南得睢水口泗水又逕宿預城之西又逕城南

故下邳之宿留縣也王莽更名之曰康義矣水經注引漢志有為今書所無者或是闕文然亦有絕非闕文而出于酈氏之妄者西京無下邳郡下邳東海郡之屬縣耳安得下邳郡有宿留縣乎本無此縣又何以云王莽更名之曰康義乎。梓材按趙本

引全氏校語而以為太甚宿預故城在今邳州宿遷縣東南漢臨淮郡之境也東漢省晉義熙中置宿預縣班志云莽曰秉義康兼字相形似道元引之蓋實宿預之即也猶也而不著去猶之名是其疎畧之過云 晉元皇之為安東也督運軍儲而為邸閣也魏太和中南徐州治後省為戍梁將張惠紹北入水軍所次憑固斯城更增脩郭壑今按趙作塹其四面引水環之今城在泗水之中也

又東南入于淮

泗水又東逕陵柵南

西征記曰舊陵縣之治也

泗水又東南逕淮陽城北

城臨泗水昔菑邱訢飲馬斬蛟眇目于此處也

泗水又東南逕魏陽城北

城枕泗川陸機行思賦曰行魏陽之枉渚故無魏陽疑卽泗陽縣故城也王莽之所謂淮平亭矣蓋魏文帝幸廣陵所由或因變之未詳也

泗水又東逕角城北而東南流注于淮考諸地說或言泗水于睢陵入淮亦云于下相入淮皆非實錄也

沂水

沂水出泰山蓋縣艾山

鄭玄云出沂山亦或云臨樂山水有二源南源所導

世謂之柞泉北水所發俗謂之魚窮泉俱東南流合

成一川右會洛預水水出洛預山東北流注之沂水

東南流左合桑預水水北出桑預山東流今按戴無此字注

于沂水今按趙無此字沂水又東南螳蜋水入焉水出魯山

東南流右注沂水今按趙無此字沂水又東逕蓋縣故城南

東會連綿之水水發連綿山南流逕蓋城東而南入

沂沂水又東逕浮來之山

春秋經書公及莒人盟于浮來者也卽公來山也在邳鄉西故號曰邳來之間也

浮來之水注之其水左控三川右會甘水而注于沂

沂水又南逕爆山西

山有二峰相去一里雙巒齊秀員峙若一

沂水又東南逕東莞縣故城西與小沂水合

孟康曰縣故鄆邑今鄆亭是也漢武帝元朔二年

封城陽共王子吉為東莞侯魏文帝黃初中立為

東莞郡東燕錄謂之團城魏武帝北伐廣固登之

以望五龍今按此二字戴作王難魏南青州治左氏傳曰莒

魯爭鄆為日久矣今城北鄆亭是也按十三州志曰有東西二

鄆魯昭公所居為西鄆在兗州東平郡莒魯所爭

為東鄆此邑是也亦即汝陽之田所謂鄆謹龜陰

之田者也。趙京相璠曰琅邪姑幕縣南四十里

本引全氏校語

員亭故魯鄆邑世變其字非也郡國志東莞有鄆

亭今在團城東北四十里猶謂之故東莞城矣

小沂水出黃孤山西南流逕其城北西南注于沂沂

水又南與閭山水合水出閭山東南流右佩二水總

歸于沂沂水南逕東安縣故城東而南合時密水水

出時密山

春秋時莒地左今按趙有氏字傳莒人歸其仲于魯及密

而死是也

時密水東流逕東安城南

漢封魯孝王子強為東安侯

時密水又東南流入于沂沂水又南桑泉水北出五
 女山東南流巨圍水注之水出巨圍之山東南注于
 桑泉水桑泉水又東南堂阜水入焉其水導源堂阜
 春秋莊公九年管仲請囚鮑叔受之及堂阜而稅
 之杜預曰東莞蒙陰縣西北有夷吾亭者是也
 堂阜水又東南注桑泉水桑泉水又東南逕蒙陰縣
 故城北

王莽之蒙恩也

又東南與雙崗水合水有二源雙會東導一川俗謂
 之汶水也東逕蒙陰縣注桑泉水又東南盧川水注

之按漢志太山郡有盧縣即濟北王國都也城陽國
 有盧縣即是注所云盧川水者也盧為周禮職方
 兖州浸之一班氏遺之師古則曰盧水在濟北盧縣
 今考太山之盧縣無盧水而城陽乃有之得毋師古
 偶誤以城陽為濟北耶又瑯琊郡橫縣亦有盧水入
 淮然其源流似遜于城陽之盧竊謂師古所指為城
 陽無疑也今本漢書城陽之盧作慮字慮有指為城
 廬音如昌慮取慮之類○趙本引全氏校語水出鹿
 嶺山東南流左則二川臻湊右則諸葛泉源斯奔亂
 流逕城陽之盧縣

故蓋縣之盧上里也漢武帝元朔二年封城陽其

王子劉稀今按戴為侯國按本表盧作雷注曰東

蓋古雷盧二字通見鄭康成職王莽更名之曰著

善矣

又東南注于桑泉水桑泉水又東南右合蒙陰水水出蒙山之陰東北流

昔琅邪承宮避亂此山立性好仁不與物競人有認其黍者捨之而去

其水東北流入于沂沂水又南逕陽都縣故城東

縣故陽國也齊同盟齊利其地而遷之者也漢高帝六年封將軍丁復為侯國按本表無注索隱引晉書地道記曰琅琊也非也

沂水又南與蒙山水合水出蒙山之陰東流逕陽都縣南東注沂水沂水又左合温水水上承温泉陂而

西南入于沂水者也

南過琅邪臨沂縣東又南過開陽縣東

沂水南逕中邱城西

春秋隱公七年夏城中邱左傳曰書不時也

沂水又南逕臨沂縣故城東按○梓材案全氏七校底本有按字而未繫校語者惟此一條無從補綴餘則以副本補之或據趙本所引以補之

郡國志曰琅邪有臨沂縣故屬東海郡

有治水注之水出太山南武陽縣之冠石山地理志曰冠石山治水所出應劭地理風俗記曰武水出焉蓋水異名也東流逕蒙山下

有祠

治水又東南逕顓臾城北

郡國志曰縣有顓臾城季氏將伐之孔子曰昔者先王以為東蒙主社稷之臣也今按戴何以伐按無此字戴有為冉有曰今夫顓臾固而便近于費者也

治水又東南流逕費縣故城南

地理志東海之屬縣也為魯季孫之邑子路將墮之公山弗擾師襲魯弗克後季氏為陽虎所執弗擾以費畔即是邑也漢高帝六年封陳賀為侯國王莽更之曰順從也

許慎說文云沂水出東海費縣東西入泗從水斤聲呂忱字林亦言是矣斯水東南所注者沂水在西不得言東南趣也皆為謬矣故世俗謂此水為小沂水治水又東南逕祊城南

春秋隱公八年鄭伯請釋泰山之祀而祀周公使宛歸太山之祊而易許田杜預釋地曰祊鄭祀泰山之邑也在琅邪費縣東南

治水又東南流注于沂沂水又南逕開陽縣故城東縣故郕國也春秋左傳昭公十八年邾人襲郕盡俘以歸郕子曰余無歸矣從孥于邾是也後更名

開陽矣春秋哀公三年經書季孫斯叔孫州仇帥師城啓陽者是矣縣故琅邪郡治也

又東過襄賁縣東屈從縣南西今按趙作西南流又屈南過郯

縣西

魯連子稱陸子謂齊湣王曰魯費之衆臣甲舍于襄賁者也王莽更名章信也郯故國也少昊之後

春秋昭公十七年郯子朝魯公與之宴昭子叔孫

媯問曰少昊鳥名官何也郯子曰吾祖也我知之

今按戴有矣字黃帝炎帝以雲火紀官太皞以龍紀少皞

瑞鳳鳥統歷鳥官之司議政斯在孔子從而學焉

既而告人曰天子失官學在四夷者也竹書紀年

晉烈公四年越子朱今按戴作未句滅郯以郯子鳩歸

縣故舊魯也東海郡治秦始皇以爲郯郡漢高帝

二年更從今名按郯非秦郡而秦已有東海郡治

于郯是也此蓋承應劭之誤王莽之沂平者也

又南過良城縣西又南過下邳縣西南入于泗

春秋左傳曰昭公十三年秋晉侯會吳子于良吳

子辭水道不可以行晉乃還是也地理志曰良城

王莽更名承翰矣

沂水于下邳縣北西流分爲二水一水于城北西南

入泗一水逕城東屈從縣南亦注泗謂之小沂水

水上有橋徐泗間以為圯昔張子房遇黃石公于

圯上即此處也建安二年曹操圍呂布于此引沂

泗灌城而擒之

洙水

洙水出泰山蓋縣臨樂山

地理志曰臨樂山洙水所出西北至蓋入泗水

或作池字蓋字誤也趙一清曰此八字注中注

洙水自山西北逕蓋縣

漢景帝中五年封后兄王信為侯國按善長以為太山而索隱

曰勃海非也

又西逕泰山東平陽縣

春秋宣公八年冬城平陽杜預曰今泰山平陽縣

是也河東有平陽故此加東矣晉武帝元康九年

改為新泰縣也

西南至卞縣入于泗

洙水西南流盜泉水注之泉出卞城東北卞山之陰

尸子曰孔子至于勝母暮矣而不宿于盜泉渴矣

而不飲惡其名也故論語撰今案戴考識曰水名

盜泉仲尼不漱即斯泉矣

西北流注于洙水洙水又西南流于卞城西而與泗水亂流梓材按朱謀埠本作于卞城西南泗水亂流趙氏刊誤云西南全氏校改而與○今按戴仍作西南而加一入字西南至魯縣東北又分為二水水側有故城兩水之分會也洙水西北流逕孔里北

是謂洙泗之間矣春秋之浚洙非謂始導矣蓋深廣之耳

洙水又西南枝津出焉又南逕瑕邱城東而南入石門古今按趙無此字而有門右二字結石為水門跨于水上也西南流世謂之杜武溝洙水又西南逕南平陽之顯閭亭西

邾邑也春秋襄公二十一年經書邾庶其以漆閭邱來奔者也杜預曰平陽北有顯閭亭十三州記曰山陽南平陽縣又有閭邱鄉從征記曰杜謂顯閭今按趙無此字閭邱也今按漆鄉在縣東北漆鄉東北十里見有閭邱鄉顯閭非也然則顯閭自是別亭未知孰是

又南洙水注之呂忱曰洙水出東平陽上承汶水于剛今按趙作岡下同縣西闡亭東爾雅曰汶別為闡其由洛之有波矣洙水西南流逕盛鄉城西

京相璠曰剛縣西南有盛鄉城者也

又南逕太山寧陽縣故城西

漢武帝元朔三年封魯共王子劉恬為侯國王莽

改之曰寧順也按索隱曰表在濟南則非太山也然道元與地志合

又南洙水枝津注之水首受洙今按趙有水字西南流逕瑕

邱城北又西逕寧陽城南又西南入于洸水又西南

逕太山郡乘邱縣故城東

趙肅侯二十年韓將舉與齊魏戰于乘邱即此縣

也漢武帝元朔五年封中山靖王子劉將夜為侯

國也按索隱曰表在深澤中山支子應在深澤非太山

洸水又東南流注于洙洙水又南至高平縣南入于

泗

水西有茅鄉城東去高平三十里京相璠曰今高

平縣西三十里有故茅鄉城者也

洸水

洸水出琅邪東莞縣西北山

大弁山與小泰山連麓而異名也引控眾流積以成

川東南流逕邳鄉南

南去縣八十許里城有三面而不周于南故俗為

謂之半城

洸水又東南流左合峴水水北出大峴山東南流逕

邳鄉東東南流注于流水也

東南過其縣東

流水左與箕山之水合水東出諸縣今按趙作城西箕山

劉澄之以為許由之所隱也更為巨謬矣

其水西南流注于流水也

又東南過莒縣東

地理志曰莒子之國盈姓也少昊後列女傳曰齊

人杞梁殖襲莒戰死其妻將赴之道逢齊莊今按趙作

桓公將弔之杞梁妻曰如殖死有罪君何辱命

焉如殖無罪有先人之弊今按戴廬在下妾不敢

與郊弔公旋車弔諸室妻乃哭于城下七日而城

崩故琴操云殖死妻援琴作歌曰樂莫樂兮新相

知悲莫悲兮生別離哀感皇天城為之隳即是城

也其城三重並悉崇峻惟南開一門內城方十二

里郭周四十許里尸子曰莒君好鬼巫而國亡無

知之難小白奔焉樂毅攻齊守險全國秦始皇縣

之漢興以為城陽國封朱虛侯章治莒王莽之莒

陵也光武合城陽國為琅邪國以封皇子京雅好

宮室窮極伎巧壁帶飾以金銀明帝時京不安莒

移治開陽矣

流水又南袁公水東出清山尋今按戴坤維而注流

流水又南潯水注之水出于巨公之山西南流舊竭

以溉今按趙田東西二十里南北十五里潯水又西

南流入流流水又南與葛陂水會水發三柱山西南

流逕辟土今按趙城南

世謂之辟陽城史記建元以來王子侯者年表曰

漢武帝元朔二年封城陽共王子節侯劉壯為侯

國也按本表曰辟土注曰東海非也○梓材按趙本引全氏曰索隱以為屬東海而善長曰城

陽此從史表

其水于邑積以為陂謂之辟陽湖西南流注于流水

也

又南過陽都縣東入于沂

流水自陽都縣又南會武陽溝水水東出倉山

山上有故城世謂之監官城非也即古有利城矣

漢武帝元朔四年封城陽共王子劉釘為侯國也

按本表曰東海非也○梓材按趙本引全氏曰按本表曰東海而善長以為城陽其城因

山為基

水導山下西北流謂之武陽溝又西至即邱縣注于

流流水又南逕東海郡即邱縣

故春秋之祝邱也桓公五年經書齊侯鄭伯如紀

城祝邱左傳曰今按趙無此字齊鄭朝紀欲襲之漢立為

縣王莽更之曰就信也郡國志曰自東海分屬琅

邪闕駟曰即祝魯之音蓋字承讀變矣

流水又南逕東海厚邱縣

王莽更之曰祝其亭也

分為二瀆一瀆今案趙無此二字西南出今無水世謂之枯

流一瀆南逕建陵縣故城東

漢景帝八年封石綰為侯國按衛綰非石綰且以六年封非八年○今

按戴趙均依此徑改王莽更之曰付亭也

流水又南逕建陵山西魏正光中齊王之鎮徐州也

立大竭遏水西流兩瀆之會置城防之曰曲流戍自

竭今按趙作戍流三十里西注流水舊瀆謂之新渠舊瀆

今按趙無此二字自厚邱西南出左會新渠南入淮陽宿預

縣注泗水地理志所謂至下邳注泗者也經言于陽

都入沂非矣流水左瀆自大堰水斷故瀆東南出桑

堰水注之水出襄賁縣泉流東注流瀆又南左合橫

溝水水發瀆右東入流水今按戴作之故瀆又南暨于竭

今按戴作遏其水西南流逕司吾山東又逕司吾縣故城

西

春秋左傳楚執鍾吾子以為司吾縣王莽更之曰

息吾也

又西南至宿預注泗水也流水故瀆自下堰東南逕司吾城東又東南歷祖口城中祖水出于楚之祖地春秋襄公十年經書公與晉及諸侯會吳于祖京相璠曰宋地今彭城偃陽縣西北有祖水溝去偃陽八十里

東南流逕偃

今按戴作傳

陽縣故城東北

地理志曰故偃陽國也春秋左傳襄公十年夏四月戊午會于祖晉荀偃士句請伐偃陽而封宋向戌焉荀偃曰城小而固勝之不武弗勝為笑固請

丙寅圍之弗克孟氏之臣秦堇父輦重如役偃陽人啟門諸侯之士門焉縣門發鄴人紇挾之以出門者狄虺彌建大車之輪而蒙之以甲以為櫓左執之右拔戟以成一隊孟獻子曰詩所謂有力如虎者也主人縣布堇父登之及堞而絕之墜則又縣之蘇而復上者三主人辭焉乃退帶其斷以徇于軍三日諸侯之師久于偃陽請歸智伯怒曰七日不克爾乎取之以謝罪也荀偃士句攻之親受矢石遂滅之以偃陽子歸獻于武宮謂之夷俘偃陽妘姓也漢以為縣漢武帝元朔三年封齊孝王

子劉就為侯國按索隱以就所封為汝南是蓋流俗本誤以為傳陽而索隱不及照也王莽更之曰輔陽也

郡國志曰偃陽有柎水柎水西今按戴無此字而有又東二字南亂于沂而注于流謂之柎口城得其名矣東南至胸縣入游注海也

水經注第二十八終 後學王梓材錄董沛重校

水經注第二十九 范陽酈道元注 鄞全祖望校

布政使銜浙江甯紹台兵備道無錫薛福成校刊

決水

決水出廬江雩婁縣南大別山

俗謂之為檀弓峴蓋大別之異名也其水歷山委注而絡其縣也今按戴作矣

北過其縣東

縣故吳也春秋左傳襄公二十六年楚子秦人侵吳及雩婁聞吳有備而還是也晉書地道記云在安豐縣之西南即其界也故地理志曰決水出雩

粵

又北過安豐縣東

決水自雩粵縣北逕雞備亭

春秋昭公二十三年吳敗諸侯之師于雞父者也

安豐縣故城今邊城郡治也王莽之美風今按戴作豐

也世祖建武八年封大將軍涼州牧竇融為侯國

晉立安豐郡

決水自縣西北流逕蓼縣故城東又逕其北

漢高帝六年封孔為侯國也是孔藁。今按戴趙俱依此徑增藁字

世謂之史今案趙作決水決今案趙作也水又西北灌水注之

其水導源廬江金蘭縣西北東陵鄉大蘇山即淮水

也許慎曰出雩粵縣俗謂之澮水也今按戴無此字褚先生

所謂神龜出于江灌之間嘉林之中蓋謂此水也今

筴傳作江淮淮即灌也非出桐柏之淮。趙本引全氏校語灌水東北逕蓼縣故

城西而北注決水也今按戴無此字故地理志曰決水北至

蓼入淮灌水于蓼亦今案此三字戴作亦至蓼入決

縣西蓼邑即皋陶之封邑也梓材案此十一字趙氏朱箋刊誤云據襄

字記引此文校補今依之。今按戴本無春秋宣公八年冬楚公子燮

滅舒蓼臧文仲聞之曰皋陶庭堅不祀忽諸德之

不逮民之無援哀哉

決水又北右會陽泉水水受決水東北流逕陽泉縣

故城東

故陽泉鄉也漢靈今按戴作獻帝中封太尉黃琬為侯

國

又西北流左入決水謂之陽泉口也

又北入于淮

俗謂之澮今按趙作決口非也斯決灌之口矣余往因公

至于淮津舟車所屈次于決水訪其民宰與古名全

違脈水尋經方知決口蓋灌澮聲相倫習俗害真耳

泚水 梓材按舊本皆作泚水趙氏朱箋刊誤云泚當作泚道元云泚水或作泚以泚與泚

音同若以泚作泚相去遠矣篇中泚字俱當作泚全氏所定序目正作泚水知其篇中改正與

趙同也。今按經史問答據原本水經篇目亦云水經第三十二卷泚水篇則其作泚水無疑

泚水出廬江灄縣西南霍山東北

灄者山水名也開山圖灄山圍繞大山為霍山郭景

純曰灄水出焉縣即其稱矣

春秋昭公二十七年吳因楚喪圍灄是也

地理志曰泚水出泚山不言霍山泚字或作泚泚水

又東北逕博安縣泄水出焉

東北過六縣東

泚水東北右會踰鼓川水水出東南踰鼓川西北流

左注潁水潁水又西北逕馬亨城西又西北逕六安縣故城西

縣故皋陶國也夏禹封其少子奉其祀今縣都陂中有大冢民傳曰公琴者即皋陶冢也楚人謂冢為琴矣漢高帝元年別為衡山國五年屬淮南文帝十六年復為衡山國武帝元狩二年別為六安國王莽之安風也漢書所謂以舒屠六晉太康三年廬江郡治

潁水又西北分為二水芍陂出焉梓材按趙氏朱箋刊誤云二水下落

芍陂二字其釋本增之今据補又北逕五門亭西西北流逕安豐縣

故城西

晉書地道記安豐郡之屬縣也俗名之曰安城矣

又北會濡水亂流西北注之今按戴作也

北入于淮

水之決會謂之泚口也

泄水

泄水出博安縣

博安縣地理志之博鄉縣也王莽以為揚陸矣

泄水自縣上承泚水于麻步川西北出歷濡谿謂之

濡水也漢志六安國六縣如谿水首受泚東北至壽春入芍陂即濡谿水也。趙本引全氏校語

北過芍陂西與泚水合

泄水自濡谿口

今按戴無此字

逕安豐縣北流注于淠一案

今

戴作亦謂之濡須口

西北入于淮

亂流同歸也

鮪琦亭集跋泄水篇曰許氏說文言水皆有依據惟以泚水為禹貢之澗水入泗又以榮播之播為潘水是二大錯而餘無之至其言泗水則有難曉者其曰水受九江博安洵波北入氏泄水之出博安是也而洵波不知所在爾雅過為洵則當是過水之旁出但過在淮北泄在淮南隔岸相望而不相就許氏安所指乎又自漢後不聞有泚水惟滙水一名泚水見于左傳乃淮水上流之分支雖同入淮而泄水不能入之既而思之許氏雖誤然誤亦必因蓋其所謂入氏者非泚也乃泚也水經泚

水篇亦嘗誤云泄水入泚至酈注始糾之寫本之誤又以泚為氏則益不可通耳據酈注則泄水出博安入濡須其言有據故注引說文最篤于此條不錄有以也夫。今按此篇內之泚水竝非泚水鮪琦亭外集明刻泚水且攷水經泚水篇誤稱泚水注泚酈注以為是蔡水非泚水與跋中語悉合泚水篇何嘗有是文耶王氏錄此跋于泄水篇乃改泚水為泚水亦失攷矣

肥水

肥水出九江成德縣廣陽鄉西

呂忱字林曰肥水出良餘山俗謂之連枷山亦或以為獨山也北流分為二水施水出焉肥水又北逕荻城東又北逕荻邱東右會施水枝津水首受施水于合肥縣城東西流逕成德縣注于肥水也

北過其縣西北入芍陂今按句首趙有肥水別三字

肥水自荻邱北逕成德縣故城西

王莽更之曰平阿也

又北逕芍陂東又北逕死虎塘東芍陂瀆上承井門

與芍陂更相通注故經言入芍陂矣肥水又今按趙作東

北右合閭澗水今按趙重一水字上承施水于合肥縣北流

逕浚道縣西水積為陽湖陽湖水自塘西北逕死虎

亭南夾橫塘西注

宋太始初豫州司馬劉順帥眾入千據其城地以

拒劉劭杜叔寶以精兵五千送糧死虎劉劭破之

此塘

水分為二洛澗出焉閭漿水注之水受芍陂陂水上

承澗水于五門亭南別為斷神水又東北逕五門亭

東亭為二水之會也斷神水又東北逕神迹亭東又

北謂之豪水雖廣異名事實一水又東北逕白芍亭

東積而為湖謂之芍陂陂周一今按戴無此字百二十許里

在壽春縣南八十里言楚相孫叔敖所造

魏太尉王淩與吳將張休大今按戴無此字戰于芍陂即

此處也沈炳巽曰王淩非太尉

陂有五門吐納川流西北為香門陂陂今按趙無此字水北

逕孫叔敖祠下謂之芍陂瀆按華夏對鏡圖曰芍陂周二百二十四里與陽

泉大業並子思作引溲水為子午渠開六門溲水即溲水也陽泉見決水篇其大業當在蓼縣蓋取皋陶

之字為陂名而善長失又北分為二水一水東注黎

漿水今按趙無此字黎漿水東逕黎漿亭南

文欽之叛吳軍北入諸葛緒拒之于黎漿即此水也

東注肥水謂之黎漿水口

又北過壽春縣東

肥水自黎漿北逕壽春縣故城東為長瀨津

津側有謝堂北亭迎送所薄水陸舟車是焉萃止

又西北右今按趙作左合東谿谿水引瀆北出西南流逕

導公寺西

寺側因谿建刹五層屋宇閒敞崇虛曠曉今按戴作攜覺

也

又西南流注于肥肥水又西逕東臺下

臺即壽春外郭東北隅阿之榭也

東側有一湖三春九夏紅荷覆水引瀆城隍水積成

潭謂之東臺湖亦肥南播也肥水西逕壽春縣故城

北右台北谿水導北山

泉源下注漱石頽陸水上長林插天高柯負日出

于山林精舍右山淵寺左道俗嬉遊多萃其下內外引汲泉同七淨谿水沿注西南逕陸道士解南精廬臨側川谿大不為廣小足聞居亦勝境也

谿水西南流注于肥水

北入于淮

肥水又西分爲二水右卽肥之故瀆過爲船官湖以置舟艦也肥水左瀆又西逕石橋門北亦曰草市

門外有石梁渡北洲洲上有西昌寺寺三面阻水

佛堂設三像真容妙相相服精煒是蕭武帝所立

也寺西卽船官坊倉今按戴兜都水是營是作湖

北對入公山山無樹木惟童阜耳山上有淮南王

劉安廟劉安是漢高帝之孫厲王長子也折節下

士篤好儒學養方術之徒數十人皆爲俊異耳今按

戴作多神仙祕法鴻寶之道忽有入公皆鬚眉皓

素詣門希見門者曰吾王好長生今先生無住衰

之術未敢相聞入公咸變成童王甚敬之入士竝

能鍊金化丹出入無間乃與安登山薶金于地白

日昇天餘藥在器雞犬舐之者俱得上昇其所昇

之處踐石皆陷人馬跡存焉故山卽以入公爲目

余登其上入馬之跡無聞矣惟廟像存焉廟中圖

安及八士像皆坐牀帳如平生被服纖麗咸羽扇
裙帔巾壺枕物一如常居廟前有碑齊永明十年
所建也山有隱室石井即崔琰所謂余下壽春登
北嶺淮南之道室八公石井在焉亦云今按趙左
吳與王春傳生等尋安同詣玄洲還為著記號曰
八公記都不列其雞犬昇空之事矣按漢書安反
伏誅葛洪明其得道事備抱撲子及神仙傳

肥水又左納芍陂瀆瀆水自黎漿分水引瀆壽春城
北逕芍陂門右北入城

昔鉅鹿時苗為縣長是其留犢處也瀆東有東都

街街之左道北有宋司空劉劭廟宋元徽二年建

于東鄉孝義里廟前有碑時年碑功方創齊永明

元年方立沈約宋書言太今按戴始元年豫州刺

史殷琰叛明帝假勳輔國將軍討之琰降不犯秋

毫百姓來蘇生為立碑文過其實建元四年故吏

顏幼明為其廟銘故佐龐璉為廟讚夏侯敬友為

廟頌竝附刊于碑側

瀆水又北逕相國城東

劉武帝伐長安所築也堂宇廳館仍故以相國為
名

又北出城注肥水又西逕金城北又西左合羊頭谿
水水受芍陂西北歷羊頭谿謂之羊頭澗水北逕熨
湖左會烽水瀆瀆受淮于烽村南下注羊頭谿側逕
壽春城西又北歷象門白沙門北出金城西門逍遙
樓下北注肥瀆肥水北注舊瀆之橫塘為立康南路
馳道左通船官坊也肥水逕立康城西北流

北出水際有曲水堂亦嬉遊所集也

又西北流逕入公山梓材按趙氏朱箋刊誤云流下落逕入公山四字全氏校增。

今按戴無此四字

昔在晉書謝玄北禦苻堅所入公山及置陣于肥

水之濱堅望山上草木咸為人狀此即故今按戴作堅

戰敗處非八公之靈有助蓋苻氏將亡之感也

肥水又西北注于淮是曰肥口也

施水

施水亦從廣陽鄉肥水別今按趙無此三字東南入于湖施水導源

廣陽鄉與肥同源者也逕合肥入芍陂而歸巢湖經文之例未有不溯其所自出者此篇獨變文有之

施水受肥于廣陽鄉東南流逕合肥縣應劭曰夏水

出城父東南至此與肥合故曰合肥關駟亦言出沛

國城父東至此合為肥余案川殊派別無沿注之理

方知應闕二說非實證也蓋夏水暴長施合于肥故

日合肥也非謂夏水施水自成德今按趙作城東逕

合肥縣城南

城居四水中又東今按此二字趙乙有逍遙津水上舊有

梁孫權之攻合肥也張遼敗之于津北橋不撤者

兩版權與甘寧蹴馬趨津谷利自後著鞭助勢遂

得渡梁凌統被鎧落水後到追亡流涕津渚

施水又東分爲二水枝水北出焉下注陽淵施水又

東逕湖口成東注巢湖謂之施口也

水經注第二十九終 後學王梓材錄董沛重校

水經注第三十 范陽酈道元注 鄞全祖望校

布政使銜浙江甯紹台兵備道無錫薛福成校刊

江水一梓材按此卷全氏裁正本已佚陳生

岷山按元和郡縣志汶山卽岷山荀子江出汶山是也

漢志作嶧則增加之文宋祁曰岷當作嶧誤矣說

趙本引全氏校語

其縣北 在蜀郡氏道縣大江所出東南過

岷山卽瀆山也水曰瀆水矣又謂之汶阜山在徼外

江水所導也益州記曰大江泉源卽今所聞始發羊

膊嶺下緣崖散漫小水百數殆未濫觴矣東南下百

餘里至白馬嶺而歷天彭關亦謂之爲天彭谷也秦

昭王以李冰為蜀守冰見氏道縣有天彭山兩山相對其形如闕謂之天彭門亦曰天彭闕江水自此已上至微弱所謂發源濫觴者也

漢元延中岷山崩壅江水三日不流揚雄反離騷云自岷山投諸江流以弔屈原名曰反騷也

江水自天彭闕東逕汶關而歷氏道縣北今按此十六字改經

為注戴趙同

漢武帝元封四年分蜀郡北部置汶山郡以統之

按漢武帝元鼎六年以冉駹地置汶山郡地節三年廢屬蜀郡北部非元封四年。今按戴本徑改元鼎六年本秦始皇置後為昇遷縣也

益州記曰自白馬嶺回行二十餘里至龍涸又八十

里至西陵縣沈炳異曰西陵是蠶陵之誤。今按戴本徑改蠶陵又南下六十

里至石鏡又六十餘里而至北部始百許步又西百

二十餘里至汶山故郡晉移汶山郡治于綿虜故以漢治為故郡乃廣二

百餘步又西南百八十里至溼坂江稍大矣故其精

則井絡纏躍江漢晒靈河圖括地象曰岷山之精上

為井絡帝以會昌神以建福故書曰岷山導江泉流

深遠盛為四瀆之首廣雅曰江貢也風俗通曰出珍

物可貢獻釋名曰江其也小水流入其中所公其也

東北百四十里曰萊山中江所出東注于大江

崦山邛崦山也在漢嘉嚴道縣一曰新道南山今按

趙作有九折坂夏則凝冰冬則毒寒王今按趙陽

山南按轡處也平恒言是中江所出矣

郭景純江賦曰流二江于崦崦又東百五十里曰崦

山北江所出東注于大江山海經曰崦山江水出焉

東注大江其中多怪蛇江水又逕汶江道汶出徼外

岷山西玉輪坂下而南行又東逕其縣而東注于大

江

故蘇代告楚曰蜀地之甲浮船于汶乘夏水而下江五日而至郢謂是水也

又有湍水入焉今按此六字改水出綿虜今按趙

亦曰綿虜縣之玉壘山呂忱云一曰半浣水也下注

江江水又東別為沱今按此七字改開明之所鑿也

郭景純所謂玉壘作東別之標者也

縣即汶山郡治劉備之所置也按宣帝地節中廢汶山郡蜀先主復

置之治汶江道晉志以為靈帝立劉昭補註郡國志曰安帝延光三年復也。趙本引全氏校語

渡江有笮橋

江水又歷都安縣今按此七字改

縣有桃關漢武帝祠

李冰作大堰于此壅今按趙無此字江作壩今案趙

同期有左右口謂之湔期江入郫江檢今按戴作江檢下同

以行舟益州記曰江至都安堰其右檢其左其正流

遂東郫江之右也因山頽水坐致竹木以溉諸郡又

引梓材案趙氏朱箋刊誤云又下落羊摩江灌江西

于玉女房下作三石人于白沙郵郵在堰官上立水

中今按戴本作于玉女房下白沙郵作三石人立水中而移郵在堰上四字于謂之天府也句下且芟

官刻要江神水竭不至足盛不沒要今按戴作肩是以蜀

人旱則藉以為溉雨則不過其流故記曰水旱從人

不知饑饉沃野千里世號陸海謂之天府也俗謂之

都安大堰亦曰湔堰又謂之今按趙無此字金隄左思蜀都

賦云西踰金隄者也諸葛亮北征以此堰農本國之所資以征丁千二百人主護之有堰官

益州刺史皇甫晏至都安屯觀坂從事何旅曰今

所安營地名觀坂上觀下反今按趙有之象二字其徵不祥

不從果為牙門張和所殺

江水又逕臨邛縣

王莽之監邛也

縣有火井鹽水昏夜之時光興上照江水又逕江原

縣

王莽更名邛原也

鄆江水出焉江水又東北逕郫縣下

縣民有姚精者為叛夷所殺掠其二女二女見夢其兄當以明日自沈江中喪後日當至可伺候之果如所夢得二女之尸于水郡縣表異焉

江水又東逕成都縣

縣以漢武帝元鼎二年立

縣有二江雙流郡下故楊子雲蜀都賦曰兩江珥其前者也風俗通曰秦昭王使李冰為蜀守開成都兩江溉田萬頃二百人主之

江神歲取童女二人為婦冰以其女與神為婚徑

至神祠勸神酒酒盃恆澹澹冰厲聲以責之因忽

不見良久有兩牛鬪于江岸傍有間冰還流汗謂

官屬曰吾鬪疲極今按此二字戴作大丞趙作大極當相助也南

向腰中正白者我綬也主簿刺殺北面者江神遂

死蜀人慕其氣決凡壯健者因名冰兒也秦惠王

二十七年遣張儀與司馬錯等滅蜀遂置蜀郡焉

王莽改之曰導江也儀築成都以象咸陽晉太康

中蜀郡為王國更為成都內史益州刺史治地理

風俗記曰華陽黑水惟梁州漢武帝元朔二年改

梁州曰益州以新啟犍為牂柯越雋州之疆壤益

廣故稱益云所治廣漢之雒縣後乃徙此故李固

與弟圖書曰固今年五十七鬢髮已白所謂今按趙作

為容身而遊滿腹而去周觀天下獨未見益州耳

昔嚴夫子常言經有五涉其四州有九遊其八欲

類此子矣

初張儀築城取土處去城十里因以養魚今萬頃池

是也城北又有龍隄池城東有千秋池西有柳池西

北有天井池津流徑通冬夏不竭西南兩江有七橋

直西門郾江上曰冲治橋今按趙脫上曰二西南石

牛門曰市橋

吳漢入蜀自廣都令輕騎先往焚之橋下謂之石

犀淵昔李冰作石犀五頭以厭水精穿石犀渠于

南江命之曰犀牛里後轉犀牛二頭一頭在府市

市橋門今按此句戴趙同近人一頭沈之于淵也

大城南門曰江橋橋南曰萬里橋西上曰夷星橋下

曰笮橋

南岸道東有文學始文翁為蜀守立講堂作石室

于南城永初後學堂遇火後守更增二石室後州

奪郡學移夷星今按趙橋南岸道東今按趙無道

西城今按趙故錦官也言錦工織錦則濯之江流

而錦至鮮明濯以他江則錦色弱矣遂命之為錦里也

蜀有迴復今按趙作渡水

江神嘗溺殺人文翁為守祠之勸酒不盡拔劍擊之遂不為害

江水東逕廣都縣

漢武帝元朔二年置王莽之就都亭也

李冰識察水脈穿縣鹽井江西有望川今按趙作穿原鑿

山渡水結諸陂池故盛養生之饒即南江也又從沖

治橋北折曰長昇橋城北十里曰昇僊橋

有送客觀司馬相如將入長安題其門曰不乘高車駟馬不過汝下也後入邛蜀果如志焉

李冰沿水造橋上應七宿故世祖謂吳漢曰安軍宜

在七橋連星間自沖里橋至長昇橋為七橋華陽國志曰郫江上西有永平橋城北十里

有昇仙橋此二橋不在七橋之列今注失去一句寰宇記云萬里橋亦名篤泉橋之南有篤泉也此橋

因費禕使吳諸葛祖嘆得名然則非李冰之舊矣竹橋亦名夷里橋而下有竺橋即夷里橋之目管橋以

竹索為名竺橋以汶江一名竺橋之水受氏注故分而為二江橋亦名安樂橋七星橋之一篤泉橋星橋之

二市橋星橋之五而此外無聞焉楊慎四川總志曰考七橋西南石牛門曰市橋下石犀所潛淵中也城

南曰長昇橋南渡流江曰萬里橋西上曰夷里橋日竿

昇僊橋不知所謂七橋者竟何所指今存者市橋竿

橋萬里橋昇僊橋餘無所考矣趙本引全氏校語

漢自廣都乘勝進逼成都與其副劉向南北相望
夾江為營浮橋相對公孫述使謝豐揚軍市橋出
漢後襲破漢墜馬落水緣馬尾得出入壁命將夜
潛渡江就向擊豐斬之于是水之陰

江北則左對繁田文翁又穿湔渎以溉灌繁田一按今

戴無此字千七百頃湔水又東絕綿洛逕五城界至廣都

北岸南入于江謂之五城水口斯為北江江水又東
至南安為壁玉津故左思云東越玉津也

又東南過犍為武陽縣青衣水沫水從西南來合而注

之別見青衣水篇沫水篇

縣故大夜郎國漢武帝建元六年開置郡縣太初

四年益州刺史任安城武陽王莽更名郡曰西順

縣曰戢成光武謂之士大夫郡今按趙本武帝下

又武陽下有建元六年置

有鄆江入焉水今按戴無此字出江原縣首受大江東南流

至武陽縣注于江縣下江今按趙作注上舊有大橋廣一

里半謂之安漢橋水盛歲壞民苦治功後太守李巖

鑿天社山尋江通道此橋遂廢縣有赤水下注江

建安二十九年有黃龍見此水九日方去

此縣藉江為大堰開六水門用灌郡下

北山昔者王喬所升之山也

江水又與文井江會李冰所導也自苻道與濛谿分

水至蜀郡臨邛縣與布僕水合漢志蜀郡臨邛縣僕

過郡二行五百一十里而水出徼外成都西沈黎郡

漢武帝元封四年以蜀郡西部邛苻邛今案趙理

旄牛道天漢四年置都尉主外羌在邛來今按戴

山表自蜀西度邛苻其道今按趙至險有弄棟八

渡之難揚母閣路之阻

水從縣西布僕來分爲二流一水逕其道又東逕臨

邛縣入文井水又東逕江原縣

縣濱文井江江上有長隄今按戴本跨四十里有長隄作

有常氏隄無有朱亭亭南有青城山山上有嘉穀

下一隄字山下有蹲鴟即芋也所謂下有蹲鴟至老不飢卓

氏之所以樂遠徙也

文井江又東至武陽天社山下入江其一水南逕越

雋邛都縣西東南至雲南郡之蜻今按戴作蛉縣入

于僕梓材案趙氏朱箋刊誤云雲南郡宋本都作郡

依全氏云蜻蛉縣下落入于僕三字○今按戴

此三字郡本雲川地也蜀建興三年置

僕水又南逕永昌郡邪龍縣而與貪水合水出蜻蛉

縣上承蜻蛉水逕葉榆縣又東南至邪龍入于僕僕水又逕寧州建寧郡

州故庾隆都督屯故南人謂之屯下劉禪建興三年分益州郡置

歷雙柏縣即水入焉水出秦臧縣牛蘭山南流至雙柏縣東注僕水又東至來唯縣入勞水水出徼外東

逕其縣與僕水合東至交州交趾郡龍泠縣南流入

于海梓材案趙氏朱箋刊誤引全氏云據漢志是勞水入海非僕水也僕水入勞不入海僕水二字

衍文○今按戴本東至交州上有僕水二字龍泠作蒼泠江水自武陽東至彭亡

聚

昔岑彭與吳漢游江水入蜀軍次是地知而惡之

會日暮不移遂為刺客所害

謂之平模水亦曰外水

此地有彭冢言彭祖冢焉

江水又東南逕南安縣西

有熊耳峽連山競險接嶺爭高漢河平中山崩地

震江水逆流續漢書五行志和平元年廣漢梓潼山崩非此山○趙本引全氏校語

懸漑有灘名壘坻亦曰鹽漑李冰所平也縣治青衣

江會衿帶二水矣

即蜀王開明故治也來敏本蜀論曰荆人斃令死

其尸隨水上荆人求之不得警令至汶山下復生

起見望帝望帝者杜宇也從天下女子朱利按華陽國

志是朱提自江源出為宇妻遂王于蜀號曰望帝

望帝立以為相時巫山峽而蜀水不流帝使警按今

趙無此字令鑿巫峽通水蜀得陸處望帝自以德不若

遂以國禪號曰開明

縣南有峩眉山有濛今案趙水即大渡水也水發蒙

谿東南流與濛今案戴水合水出徼外逕汶江道呂

忱曰濛水出蜀許慎以為濛水也出蜀汶江徼外按今

趙無此從水我聲南至南安入大渡水大渡水又東

入江故山海經曰濛水出漢陽西入江瀟陽西按此

不可曉郭

又東南過夔道縣北若水淹水合從西來注之別見若

水篇又東渚水北流注之

縣本夔人居之地理風俗記曰夷中最仁者有人

道故字從人秦紀所今按趙謂夔僮之富者也其

邑高后六年城之漢武帝感相如之言使縣令南

通夔道費功無成唐蒙南入斬之乃鑿石開閣以

通南中迄于建寧二千餘里山道廣丈餘深三四

丈其鑿鑿之跡猶存王莽更曰夔治也山多猶猢

似猴而短足好遊巖樹一騰百步或三百丈順往

倒返乘空若飛

縣有蜀王兵蘭其神作大難江中崖峻咀險不可穿

鑿李冰乃積薪燒之故其處懸巖猶有赤白元黃五

色照水焉魚從熨來梓材按趙氏朱箋刊誤云水經注猶有赤白元黃五色焉赤白

照水元黃從熨來箋曰後漢志云越雋舊本有熨人崖有五赤白映水元黃按此是華陽國志文劉昭

補注郡國志引之道元鈔變其詞以赤白元黃并于五色之上則下文不應又重赤白元黃四字全氏校

衍文是也焉字當移在照水之下從熨來補注作魚從楚來當從熨來為正。今按戴本作猶有五色焉

赤白照水元黃魚從熨來至此而止言畏崖嶼不更上也

益部耆舊傳曰張貞今按戴作真下同妻黃氏女也名帛

貞乘船覆沒求尸不得帛至沒處灘頭仰天而嘆

遂自沈淵積十四日帛持貞手于灘下出時人為

說曰符有先絡熨道有張帛者也

江水又與符黑水合今按此八字改經為注戴趙同水出寧州南廣

郡南廣縣

縣故犍為之屬縣也漢武帝太初元年置劉禪延

熙中分以為郡

導源汾關山北流有大陟水注之水出南廣縣北流

注符黑水又北逕熨道入江謂之南廣口渚水則未

聞也

又東過江陽縣南洛水從三危山東過廣魏洛縣南東南注之

洛水出洛縣漳山亦言出梓潼縣柏山山海經曰三危在敦煌南與嶠山相接山南帶黑水又山海經不言洛水所導經曰出三危山所未詳常璩云李冰導洛通山水流發瀑口逕什邡縣

漢高帝六年封雍齒為侯國王莽更名曰美信也洛水又南逕洛縣故城南

廣漢郡治也漢高帝今按戴祖之為漢王也發巴渝之士北定三秦六年乃分巴蜀置廣漢郡于乘鄉

王莽之就都縣曰吾雒也按莽之吾雒乃雒縣而班志廣漢首梓潼莽曰

子同其雒縣乃第四縣漢安帝永初二年移治涪城後治洛按此四字據歸有光本增○今按戴趙並依增

先是洛縣城南每陰雨常有哭聲聞于府中積數十年沛國陳寵為守以亂世多死亡暴骸不葬故也乃悉收葬之哭聲遂絕

劉備自將攻洛龐士元中流矢死于此益州舊以蜀郡廣漢犍為為三蜀土地沃美人士雋久一

州稱望縣有沈鄉去江七里姜士遊之所居詩至孝母好飲江水嗜魚膾常以雞鳴遡流汲江子坐

取水溺死婦恐姑知稱託今按趙作詩而引後漢書駁之遊學冬

夏衣服實投江流于是至孝上通洄今按戴泉潛

無此字出其餘側而有江之甘焉詩有田濱江澤

鹵泉流所溉盡為沃野又湧泉之中且且常出鯉

魚一雙以膳焉可謂孝悌發于方寸徽美著于無

窮者也

洛水又南逕新都縣

蜀有三都謂成都廣都此其一焉

與綿水合水西出綿竹縣又與湔水合亦謂之郫江

也又言是涪水呂忱云一日湔然此二水俱與洛會

矣又逕犍為牛鞞縣為牛鞞水

昔羅尚乘牛鞞水東征李雄謂此水也縣以漢武
帝元封二年置

又東逕資中縣又逕漢安縣謂之綿水也自上諸縣

咸以溉灌故語曰綿洛為沒沃也綿水至江陽縣方

山下入江謂之綿水口亦曰中水江陽縣枕帶雙流

據江洛會也沈炳巽曰漢志綿水入洛洛水入湔

至江陽入江水經注以洛為主洛水合綿水東南

湔江故以江陽為江洛之會前言湔水自廣都北岸

入江特其支流耳

漢景帝六年封趙相蘇嘉為侯國小司馬云縣在

東海無江陽也又徐廣曰蘇一作籍索隱曰漢表

作蘇息今按戴本此下有江陽郡治也故犍為

江一

枝江都尉建安十八年劉璋立二十字

江中有大關小關焉季春之月則黃龍堆沒關乃平

也按原有誤文據華陽國志校改。今按趙仍原文而引國志為校語戴則依改

昔世祖微時過江陽縣有一子望氣者言江陽有

貴兒象王莽求之而撩今按戴作撩殺之後世祖怨為

子立祠于縣謫其民罰布數世揚雄琴清英曰尹

吉甫子伯奇至孝後母譖之自投江中衣苔帶藻

忽夢見水仙賜其美藥思惟養親揚聲悲歌船人

聞之而學之吉甫聞船人之聲疑似伯奇援琴作

子安之操

江水逕漢安縣北今按此七字改經為注戴趙同

縣雖迫山川土地特美蠶桑魚鹽家有焉江陽郡

治也故犍為枝江都尉建安十八年劉璋立今按江陽

以下二十字戴本移在前蘇嘉為侯國之下

江水東逕樊石灘又逕大附灘今按此十二字改頻經為注戴趙同

歷二險也

又東過符縣北邪有脫文朱本妄增益為邪龍縣三字不知邪龍屬益州郡不與符縣接。

趙本引全氏曰按邪字下有脫文孫汝澄曰漢志有邪龍縣竊謂江水不得入益州界而復過符關是知地

理之言也且注但詳符縣之建東南鮒部水從符關東置以是知經之不及他縣也

北注之

縣故巴夷之地也漢武帝建元六年以唐蒙為中

郎將從萬人出巴符關者也漢武帝今按此二元

鼎二年立按元鼎二年本華陽國志據漢史亦當是建元六年且立犍為郡今注無郡名

而云立何哉王莽之符信矣

縣治安樂水會水源南通寧州平夷郡今按戴縣

北逕安樂縣界之東又逕符縣下北入江

縣長趙祉遣吏先尼和以永建元年十一今按戴

月詣巴郡沒死成湍灘子賢求喪不得女絡年二

十五歲有二子五歲以還至二年二月十五日尙

不喪絡乃乘小船至父沒處哀哭自沈見夢告賢

曰至二十一日與父俱出至日父子果浮出江上

郡縣上言為之立碑以旌孝誠也

其鰥部之水所未聞矣或是水之殊目非所究也

又東北至巴郡江州縣東强水涪水漢水白水宕渠水

五水合南流注之別見涪水篇强水即羌水別有篇白水見漾水篇宕渠水即潛水別有篇

强水即羌水也宕渠水即潛水渝水矣巴水出晉昌

郡宣漢縣巴嶺山

郡隸梁州晉太康中立治漢中縣南去郡八百餘

里故屬巴渠

西南流歷巴中逕巴郡故城南李嚴所築大城北西

南入江庾仲雍所謂江州縣對二水口右則涪內水左則蜀外水卽是水也

江州縣故巴子之都也春秋桓公九年巴子使韓

服告楚請與鄧好是也及七國稱王巴亦王焉秦

惠王遣張儀等救苴侯于巴儀貪巴苴之富因執

其王以歸而置巴郡焉治江州漢獻帝初平元年

分巴爲三郡于江州則永寧郡治也至建安六年

劉璋納蹇允之訟復爲巴郡

按善長言三巴建置皆本常璩而不知其

誤也華陽國志曰初平元年征東中郎將趙韙建

議白劉璋分巴韙欲得巴舊名取墊江以上爲巴

郡治安漢以江州至臨江爲永寧郡以胸忍至魚

復爲固陵郡而用龐羲爲巴郡建安六年璋以蹇

允訟爭巴名乃改永寧爲巴郡以固陵爲巴東而

改龐羲爲巴西是爲三巴考初平元年劉璋尙未

嗣位趙韙亦未爲征東其誤一也韙欲得巴舊名

而乃以予龐羲其誤二也建安五年義已屯閬中

則是固陵太守非巴也其誤三也周巴記曰初平

六年趙韙分巴爲二蹇允訟後始分爲三蹇周巴

爲治而割安漢以下爲永寧郡建安六年以蹇允

訟分巴爲三以永寧爲巴東閬中爲巴西墊江爲

巴郡是則譙氏之誤再考劉璋嗣位以趙韙爲征

東乃興平元年正分巴之歲也誤以爲初平亦屬

氏之疏也建安六年趙韙誅故再分巴爲諸家皆未

細覈其歲時耳又曹氏亦嘗分三巴劉璋之未巴

郡入于張魯故璋雖有巴郡太守嚴顏屯江州似

僅保一城而已魯降曹氏巴郡亦隨之而入建安

一十年分其地爲三以夷帥朴胡爲巴東杜護爲

趙本引全以嚴顏爲守顏見先主入蜀嘆曰獨坐

窮山放虎自衛此卽拊心處也漢世郡今按此四字趙作巴

世郡漢治江州巴水北北府城是也後乃徙南城劉

備初以江夏費觀爲太守領江州都督後都護李

嚴更城周一今案戴無此字十六里造蒼龍白虎門求以

五郡爲巴州治丞相諸葛亮不許竟不果按嚴欲于城後

穿山引汶江入巴以亮召竟不果此事善長注蓋失記之地勢側險皆重屋累

居數有火害又不相容結舫水居者五百餘家承

二江之會夏水增盛壞散顛沒死者無數縣有官

橋官荔枝園夏至則熟二千石常設廚膳命士大

夫共會樹下食之縣北有稻田出御米也

縣下又有清水穴巴人以此水爲粉則皜曜鮮芳貢

粉京師因名粉水故世謂之爲江州墮林粉粉水亦

謂之爲粒水矣

江之北岸有塗山南有夏禹廟塗君祠廟銘存焉

常璩庾仲雍並言禹娶于此余按羣書咸言禹娶

在壽春當塗不于此也

又東至枳縣西延江水從牂柯郡北流西屈注之別見延江

水篇

江水江水二字舊訛在經文又字之東逕陽關巴子

梁下特改正○今按戴趙並依改

江之兩岸猶有梁處巴之三關斯為一也延熙中

蜀車騎將軍鄧芝為江州都督治此

江水又東右逕黃葛峽

山高險全無人居

江水又左逕明月峽東至梨鄉歷雞鳴峽

江之南岸有枳縣治

華陽記曰枳縣在江州巴郡東四百里治涪陵水會

庾仲雍所謂有別江出武陵者也水乃延江之枝津

分水北注逕涪陵入江故亦云涪陵水也其水南導

武陵郡

昔司馬錯泝舟此水取楚黔中地延熙中鄧芝伐

徐巨射元媛于是縣媛自拔矢卷木葉塞射創芝

嘆曰傷物之生吾其死矣

江水又東逕涪陵故郡北

後乃并巴郡遂罷省

江水又東逕文陽灘

灘險難上

江水又東逕漢平縣二百餘里左自涪陵東出百餘

里而屈于黃石東為銅柱灘又逕東望峽東歷平都

今按此九字改經為注戴趙同

峽對豐民洲舊巴子別都也華陽記曰巴子雖都
江州又治平都即此處也有平都縣為巴郡之隸
邑矣縣有天師治兼建佛寺甚清靈縣有市肆四
日一會

江水右逕虎鬚灘今按此七字改經為注戴
趙同惟右逕趙作又逕

灘水廣大夏斷行旅

江水又東逕臨江縣南今按此九字改
經為注戴趙同

王莽之監江縣也華陽記曰縣在枳東四百里東
接胸忍縣

有鹽官自縣北入鹽井谿有鹽井營戶谿水沿注江

江水又東得黃華水口今按此九字改
經為注戴趙同江浦也左逕

石城南今按此五字改
經為注戴趙同

庾仲雍曰臨江之石城黃華口一百里

又東至平洲今按此五字改
經為注戴趙同

洲上多居民

又東逕壤塗而歷和灘又東逕界壇今按此十四字
改經為注戴趙同

是地巴東之西界益州之東境故得是名也

又東過魚復縣南夷水出焉別見夷水篇○今按此十
一字改注為經戴趙同

江水又東右得將龜谿口今按此十字改
經為注戴趙同

華陽記曰胸忍縣出靈龜咸熙元年獻龜于相府

言出自此谿也

按漢志胸忍縣容母水所出即此谿也

江水又東會南北集渠

今按此九字改經為注戴趙同

南水今按趙作二溪

水出涪陵縣界謂之陽谿北流逕巴東郡之南浦僑

縣西谿破

今按趙作夾

側鹽井三口相去各數十步以木

為桶徑五尺修煮不絕谿水北流注于江謂之南集

渠口亦曰于陽谿口北水出新浦縣北高梁山分谿

南流逕其縣西又南一

今按戴無此字

百里至

今按趙作入

胸忍

縣南入于江謂之北集渠口別名班口又曰分水口

胸忍尉治此

江水又東右逕汜谿口

今按此九字改經為注戴趙同

蓋江汜決入

也江水又東逕石龍

今按此七字改經為注戴趙同

而至于博陽二

村之間有磐石廣四百丈長六里而復

先宗伯公云長六里而復

者猶言長六里有奇也

殆于

今按戴本無而復殆于四字

咀塞江川夏沒冬

出基互通渚又東逕羊腸虎臂灘

今按此八字改經為注戴趙同

楊亮為益州至此舟覆懲其波瀾蜀人至今猶名

之為使君灘

江水又東彭水注之

今按此八字改經為注戴趙同

水出巴渠郡獠

中東南流逕漢豐縣東清水注之

梓材按以下全氏原鈔副本亦缺今

從趙本大小注補葺之

水導源出西北巴渠縣東北巴嶺南獠

中卽巴渠水也西南流至其縣又西入峽檀井谿水

出焉又西出峽今按此二字趙作過山至漢豐縣東而西注彭

谿謂之清水口彭谿水又有今按戴逵南字逕胸忍縣西六十

里南流注于江謂之彭谿口江水又東右逕胸忍縣

故城南今按此十二字改經爲注戴同

常璩曰縣在巴東郡西二百九十里縣治故城跨

其山阪南臨大江江之南岸有方山山形方峭枕

側江濱

江水又東逕瞿巫灘今按此入字改經爲注戴同卽下瞿灘也又

謂之博望灘左則湯谿水注之水源出縣北六百餘

里上庸界南流歷其今按戴無此字縣

翼帶鹽井一百所巴川資以自給粒大者方寸中

央隆起形如張傘故因名之曰傘子鹽有不成者

形亦必方異于常鹽矣王隱晉書地道記曰入湯

口四十三里有石煮以爲鹽石大者如升小者如

拳煮之水竭鹽成蓋蜀火井之倫水火相得乃佳

矣

湯水下與檀谿水合上承巴渠水南歷檀井谿今按戴有

謂之檀井水下入湯水湯水又南入于江名曰湯口

江水又逕東陽灘今按此七字改經爲注戴同江上有破石故亦

通謂之破石灘

苟延光沒處也常璩曰水道有東陽下瞿數灘山

有大小石城勢靈壽木及橘圃也故地理志曰縣

有橘官有民市此三字乃善長所自云非引班志也是篇上下多記市集○趙本引

全氏校語

江水又逕魚復縣之故陵今按此十字改經為注戴同

舊郡治故陵谿西二里故陵村谿即丞谷也地多

木瓜樹有子大如甌白黃實甚芬香爾雅之所謂

楸也

江水又東為落牛灘逕故陵北今按此十二字改經為注戴同

江側有六大墳庾仲雍曰楚都丹陽所葬亦猶枳

之巴陵矣故以故陵為名也有魚復尉戍此

江之左岸有巴鄉村

村人善釀故俗稱巴鄉清郡出名酒

村側有溪

溪中多靈壽木中有魚其頭似羊豐肉少骨美于餘魚

谿水伏流逕平頭山內通南浦故縣陂湖

其地平曠有湖澤中有菱芡鯽雁不異外江凡此

等物皆入峽所無地密惡蠻不可輕至

江水又東右逕夜清而東歷朝陽道口今按此十五字改經為注

戴同

有縣治治下有市十日一會

江水又東左逕新市里南今按此十字改經為注戴同

常璩曰巴舊立市于江上今新市里是也

江水又東右合陽元水口今按此十字改經為注戴同水出高陽

今案戴作陽口縣西南高陽山東北流逕其縣南東北流丙

水注之水發縣東南柏枝山

山下有丙穴穴方數丈中有嘉魚常以春末遊渚冬初入穴抑亦褒漢丙穴之類也

其水北流入高陽溪溪水東北流注于江謂之陽元

水今按戴無此字口江水又東逕南鄉峽東逕永安宮南今按

此十四字改經為注戴同

劉備終于此諸葛亮受遺處也其間平地可二十

許里江山迴闊入峽所無城周十餘里背山面江

頽墉四毀荆棘成林左右民居多墾其中

江水又東逕諸葛亮圖壘南今按此十一字改經為注戴同石磧平

曠望兼川陸

有亮所造八陣圖東跨故壘皆纍細石為之自壘

西去聚石八行行間相去二丈因曰八陣既成自

今行師庶不覆敗皆圖兵勢行藏之權自後深識者所不能了今夏水漂蕩歲月消損高處可二三尺下處磨滅殆盡

江水又東逕赤岬城西今按此九字改經為注戴同

是公孫述所造因山據勢周回七里一百四十步

東高二百丈西北高一今案戴無此字千丈南連基白帝

山甚高大不生樹木其石悉赤土人云如人袒脾

故謂之赤岬山淮南子曰徬徨于山岬之旁注曰

岬山脅也郭仲產曰斯名將因此而興矣

江水又東逕魚復縣故城南今按此十一字改經為注戴同

故魚國也春秋左傳文公十六年庸與羣蠻叛楚

莊王伐之七遇皆北唯裨僚魚人逐之是也地理

志江關都尉治公孫述名之為白帝取其王巴今按

戴作蜀章武二年劉備為吳所破改白帝為永安

巴東郡治也漢獻帝初平元年分巴為三郡初平當作

興平三郡當作二郡趙本引全氏校語今按戴本皆依全說徑改以魚復為故

陵郡蹇允訴劉璋改為巴東郡治白帝山城周迴

二百八十步北緣馬嶺接赤岬山其間平處南北

相去八十五丈東西七十丈又東旁東瀼溪按入蜀記

日士人謂山間之流通江者曰瀼東瀼溪即東屯也公孫述所墾田又有西瀼水見寰宇記與大瀼

水一

全宋文卷三 江水一

水而三。趙本引全氏校語即以為隍西南臨大江闕之眩目

唯馬嶺小差透迤猶斬山為路羊腸數四然後得上益州刺史鮑陋鎮此為譙道福所圍城裏無泉乃南開水門鑿石為函道上施水天公直下至江中有似猿臂相牽引汲然後得水水門之西江中有孤石為淫預石冬出水二十餘丈夏則沒亦有裁出處矣

縣有夷谿即很今按戴山清江也經所謂夷水出焉

江水又東逕廣谿今按此八字改斯乃三峽之首也

其間三十里頽巖倚木厥勢殆交北岸山上有神淵淵北有白鹽崖高可千餘丈俯臨神淵土人見其高白故因名之天旱燃木崖上推其灰燼下穢淵中尋即降雨常璩曰縣有山澤水神旱時鳴鼓請雨則必應嘉澤蜀都賦所謂應鼓鳴而興雨也

峽中有瞿塘黃龍今按戴二灘作龕

夏水迴瀆沿沂所忌瞿塘灘上有神廟尤至靈驗刺史二千石逕過皆不得鳴角伐鼓商旅上水恐觸石有聲乃以布裹篙足今則不能爾猶饗薦不輟此峽多猿猴不生北岸非惟一處或有取之放

著北山中初不聞聲將同猪獸渡汶而不生矣

其峽蓋自昔禹鑿以通江郭景純曰所謂巴東之峽

夏后疏鑿者也

又東出江關入南郡界

今按戴本移此節于下卷之首

江水自關東逕弱關扞關

今按此十字改經為注戴同而書扞為捍

扞關廩君浮夷水所置也弱關在建平秭歸界昔

巴楚數相攻伐藉險置關以相防扞秦兼天下置

立南郡自巫東皆其域也

水經注第三十終

後學王梓材錄董沛重校

水經注第三十一

范陽酈道元注

鄞全祖望校

布政使銜浙江甯紹台兵備道無錫薛福成校刊

江水二

又東過巫縣南鹽水從縣東南流注之

今案此十五字改注為經戴趙同

江水又東烏飛水注之

今案此九字改經為注戴趙同

水出天門郡

澧中縣界北流逕建平郡沙渠縣南又北流逕巫縣

南西北歷山道三百七十里注于江謂之烏飛口江

水又東逕巫縣故城南

今按此十字改經為注戴趙同

縣故楚之巫郡也秦省郡立縣以隸南郡吳孫休

分爲建平郡治巫城城緣山爲墉周十二里一百一十步東西北三面皆帶傍深谷南臨大江故今按

趙有謂之二字夔國也

江水又東巫溪水注之今按此九字改經爲注戴趙同溪水導源梁

州晉興郡之宣漢縣東又南逕建平郡泰昌縣南又

逕北井縣西東轉歷其縣北

水南有鹽井井在縣北故縣名北井建平一郡之所資也

鹽水下通巫溪溪水是兼鹽水之稱矣溪水又南屈逕巫縣東縣之東北三百步有聖泉謂之孔子泉其

水飛清石穴潔並高泉下注溪水溪水又南入于大

江江水又東逕巫峽今按此七字改經爲注戴趙同杜宇所鑿以通

江水也

郭仲產云按地理志巫山在縣西南而今縣東有

巫山將郡縣居治無恆故也

江水歷峽東逕新崩灘今按此九字改經爲注戴趙同

此山漢和帝永元十二年崩晉太元二年又崩當

崩之日水逆流百餘里踴起數十丈今灘石有石

或圓如箆或方似屋若此者甚衆皆崩崖所隕致

怒湍流故謂之新崩灘其頽巖所餘比之諸嶺尙

全水經注 卷三
為竦桀其下十餘里有大巫山非唯三峽所無乃
當抗峯岷峨偕嶺衡疑其翼附羣山並概青雲更
就霄漢辨其優劣耳神孟涂所處山海經曰夏后
啟之臣孟涂是司神于巴巴人訟于孟涂之所其
衣有血者執之是請生居山上在丹山西郭景純
曰丹山在丹陽屬巴丹山西即巫山者也又帝女
居焉宋玉所謂天帝之季女名曰瑤姬未行而亡
封于巫山之陽精魂為草實為靈芝所謂巫山之
女高唐之阻且為行雲暮為行雨朝朝暮暮陽臺
之下且早視之果如其言故為立廟號朝雲焉其

間首尾一

今案戴無此字

百六十里謂之巫峽蓋因山為

名也自三峽七百里中兩岸連山畧無闕處重巖
疊嶂隱天蔽日自非停午夜分不見曦月至于夏
水襄陵沿沂阻絕或王命急宣有時朝發白帝暮
到江陵其間千二百里雖乘奔御風不似

今按戴作以

疾也春冬之時則素湍淪

今按戴作綠

潭迴清倒影絕

巖多生怪

今按趙作種

柏懸泉瀑布飛漱其間清榮峻

茂良多趣味每至晴初霜旦林寒澗肅常有高猿
長嘯屬引淩異空谷傳響哀轉久絕故漁者歌曰
巴東三峽巫峽長猿鳴三聲淚沾裳

江水又東逕右門灘

今按此八字改經爲注戴趙同

灘北岸有山山上合下開洞達東西緣江步路所
由劉備爲陸遜所破走逕此門追者甚急備乃燒
鎧斷道孫桓爲遜前驅奮不顧命斬上夔道截其
要逕備踰山越險僅乃得免忿恚而歎曰吾昔至
京桓尙小兒而今追孤乃至于此遂發憤而薨矣
又東過秭歸縣之南

縣故歸鄉地理志曰歸子國也樂緯曰昔歸典叶
聲律宋忠曰歸卽夔歸鄉蓋夔鄉矣古楚之嫡嗣
有熊摯者以廢疾不立而居于夔爲楚附庸後王

命爲夔子春秋僖公二十六年楚以其不祀滅之
者也袁山松曰屈原有賢姊聞原放逐亦來歸喻
令自寬全鄉人冀其見從因名曰秭歸卽離騷所
謂女嬃嬋媛以詈余也縣城東北依山卽坂周迴
二里高一丈五尺南臨大江古老相傳謂之劉備
城蓋備征吳所築也縣東北數十里有屈原舊田
宅雖畦堰縻漫猶保屈田之稱也縣北一百六十
里有屈原故宅累石爲屋今案戴作室基名其地曰樂
平里宅之東北六十里有女嬃廟擣衣石猶存故
宜都記曰秭歸蓋楚子熊繹之始國按旣曰熊繹之始國則非

熊摯附庸所居矣自相參辰而屈原之鄉里也原何也。趙本引全氏校語

田宅于今具存指謂此也

江水又東逕一城北今按此八字改經為注戴趙同惟一城趙作其城

其城憑嶺作固二百一十步夾溪臨谷據山枕江

北對丹陽城城據山跨阜周八里二百八十步東

北兩面悉臨絕澗西帶亭下溪南枕大江險峭壁

立信天固也楚子熊繹始封丹陽之所都也地理

志以為吳之丹陽論者云尋吳楚悠隔縵縷荆山

無容遠在吳境是為非也又楚之先王陵墓在其

間蓋為徵矣

江水又東南逕夔城南今案此九字改經為注戴趙同

跨據川阜周迴一里百一十八步西北背枕深谷

東帶鄉口溪南側大江城內西北角有金城東北

角有員土獄西南角有石井口徑五尺熊摯始治

巫城後疾移此蓋夔徙也熊摯不得為熊繹後故封夔非自巫徙。趙本

引全氏校語春秋左傳僖公二十六年楚令尹子玉滅

今按戴作城夔者也服虔曰在巫之陽秭歸鄉矣

江水又東逕歸鄉縣故城北今案此十一字改經為注戴趙同

袁山松曰父老傳言原既流放忽然暫一作歸鄉

人喜悅因名曰歸鄉抑其山秀水清故出儁異地

險流疾故其性亦隘詩云惟岳降神生甫及申信與余謂山松此言可謂因事而立證恐非名縣之本旨矣

縣城南面重嶺北背大江東帶鄉口溪溪源出縣東南數百里西北入縣逕狗峽西

峽崖龕中石隱起有狗形形狀具足故以狗名峽鄉口溪又西北逕縣下入江謂之鄉口也江水又東

逕信陵縣南今案此九字改經為注戴趙同臨大江東傍深溪溪源

北發梁州上庸縣界南流逕縣下而注于大江也又

東過夷陵縣南今按此七字戴趙作經當依江水自建平至東界

峽盛弘之謂之空泔峽

峽甚高峻即宜都建平二郡界也其間遠望勢交嶺表有五六峯參差互出上有奇石如二人像攘袂相對俗傳兩郡督郵爭界于此宜都督郵厥勢小東傾議者以為不如也

江水歷峽東逕宜昌縣之插窰下今案此十三字改經為注戴趙同

江之左岸絕岸壁立數百丈飛鳥所不能棲有一火燼插在崖間望見可長數尺今按趙父老傳言

昔洪水之時人薄舟崖側以餘燼插之巖側至今猶存故先後相承謂之插窰也

江水又東逕流頭灘今案此八字改經為注戴趙同其水並峻激奔

瀑魚鼈所不能游行者常苦之其歌曰灘頭白勃堅

相持條忽淪沒別無期袁山松曰自蜀至此五千餘

里下水五日上水百日也江水又東逕宜昌縣北今案

此九字改經為注戴趙同

分夷道很今案趙作很山所立也縣治江之南岸北枕

大江與夷陵對界宜都記曰渡流頭灘十里便得

宜昌縣也今案戴無此字

江水又東逕狼尾灘而歷人灘今案此十二字改經為注戴趙同袁

山松曰二灘相去二里人灘水至峻峭南岸有青石

夏沒冬出其石嶽峯數十步中悉作人面形或大或

小其分明者鬚髮皆具因名曰人灘也江水又東逕

黃牛山下今案此九字改經為注戴趙同有灘名曰黃牛灘

南岸重嶺壘起最外高崖間有石色如人負刀牽

牛人黑牛黃成就分明既人跡所絕莫得究焉此

巖既高加以江湍紆迴雖途逕信宿猶望見此物

故行者謠曰朝發黃牛暮宿黃牛三朝三暮黃牛

如故梓材按此八字趙本引御覽補今依之。今按趙所據補見朱箋刊誤本條戴亦依增

言水路紆深迴望如一矣

江水又東逕西陵峽今案此八字改經為注戴趙同宜都記曰自黃

牛灘東入西陵界至峽口一今按戴百許里山水紆無此字曲而兩岸高山重嶂非日中夜半不見日月絕壁或千許丈其石彩色形容多所像類林木高茂畧盡冬春猿鳴至清山谷傳響泠泠不絕所謂三峽此其一也山松言常聞峽中水疾書記及口傳悉以臨懼相戒曾無稱有山水之美也及余來踐躋此境今按此三字趙作齋既至忻然始信耳聞之不如親見矣其疊嶂秀峯奇構異形固難以辭敘林木蕭森離離蔚蔚乃在霞氣之表仰矚俯眺彌習彌佳流連信宿不覺忘返目所履歷未嘗有也既自欣得此奇觀山水有靈亦

當驚知已于千古矣江水歷禹斷江南今案此六字改經為注戴

趙同峽北有七谷村兩山間有水清深潭而不流又耆

舊傳言昔是大江及禹治水此江小不足瀉水禹更

開合峽口水勢奔衝此江遂絕于今謂之斷江也江

水出峽東南流逕故城洲今案此十一字改經為注戴趙同

洲附北岸洲頭曰郭洲長二里廣一里上有步闡

故城方圓稱洲周迴畧滿故城洲上城周五里吳

西陵督步騭所築也孫皓鳳凰元年騭息闡復為

西陵督據此城降晉晉遣太傅羊祜接援未至為

陸抗所陷也

江水又東逕故城北

今案此八字改經為注戴趙同

所謂陸抗城也城即山為壙四面天險江南岸有山孤秀從江中仰望壁立峻絕袁山松為郡嘗登之矚望焉故其記云今自山南上至其嶺嶺容十許人四面望諸山畧盡其勢俯臨大江如縈帶焉視舟如鳧雁矣北對夷陵縣之故城城南臨大江秦令白起伐楚三戰而燒夷陵者也應劭曰夷山在西北蓋因山以名縣也王莽改曰居利吳黃武元年更名西陵也後復曰夷陵縣北三十里有石穴名曰馬穿嘗有白馬出穴

今按趙人逐入穴潛有食字

行出漢中漢中人失馬亦嘗出此穴相去數千里袁山松言江北多連山登之望江南諸山數十百重莫識其名高者千仞多奇形異勢自非煙霧雨霽不辨見此遠山矣余嘗往返十許過正可再見遠峯耳

江水又東逕白鹿巖

今案此八字改經為注戴趙同

汾江有峻壁百餘丈獫狁所不能遊有一白鹿陵峭

登崖乘巖而上故世名此巖為白鹿云

今案戴作巖

江水又東歷荆門虎牙之間

今案此十一字改經為注戴趙同

荆門

在南上台下開閭徹山南有門像虎牙在北石壁色

紅間有白文類牙形並以物像受名此二山楚之西塞也水勢急峻故郭景純江賦曰虎牙桀豎以屹崒荆門鬪今按戴作鬪竦而盤薄圓淵九迴以懸騰溢流雷响而電激者也

漢建武十一年公孫述遣其大司徒任滿翼江王田戎將兵數萬據險為浮橋橫江以絕水路營壘跨山以塞陸道光武遣吳漢岑彭將六萬人擊荆門漢等率舟師攻之直衝浮橋因風縱火遂斬滿等矣

又東南過夷道縣北夷水從很

今案趙作很下同

山縣南東北

注之

夷道縣漢武帝伐西南夷路由此出故曰夷道矣王莽更名江南桓溫父名彝改曰西道魏武臨江今案戴無此二字分南郡置臨江郡劉備改曰宜都郡治在縣東四百步故城吳丞相陸遜所築也

為二江之會也按夷水別名清江其入江也有涇渭之分故曰二江之會。趙本引全氏校語北有湖里淵

淵上橘柚蔽野桑麻闡日西望很山諸嶺重峯疊秀青翠相臨時有丹霞白雲遊曳其上城東北有望堂地特峻下臨清江遊矚之名處也縣北有女

觀山厥處高顯回眺極目古老傳言昔有思婦夫
官于蜀屢愆秋期登此山絕望憂感而死山木枯
悴鞠為童枯鄉人哀之因名此山為女觀焉葬之
山頂今孤墳尚存矣

又東過枝江縣南沮水從北來注之別見沮水篇○今案此十四字改注

為經戴趙同

江水又東逕上明城北今案此九字改經為注戴趙同

晉太元中苻堅之寇荊州也刺史桓冲徙渡江南
使劉波築之移州治此城其地夷敞北據大江

江汜今按趙作注枝分東入大江縣治洲上故以枝江為

稱地理志曰江沱出西南東入江是也

其地故羅國蓋羅徙也今按趙無此四字而作其民古羅徙五字羅故

居宜城西山楚文王又徙之于長沙今羅縣是矣

縣西三里有津鄉津鄉里名也春秋莊公十九年

巴人伐楚楚子禦之大敗于津應劭曰南郡江陵

有津鄉今則無聞矣郭仲產云尋楚禦巴人枝江

是其塗便此津鄉殆即其地也盛弘之曰縣舊治

沮中後移出百里洲西去郡一今案戴無此字百六十里

縣左右有數十洲槃布江中其百里洲最為大也

中有桑田甘果映江依洲自縣西至上明東及江

津其中有九十九洲楚諺云洲不百故不出王者
桓立有問鼎之志乃增一洲以充百數僭號數旬
宗滅身屠及其傾敗洲亦消毀今上在西忽有一
洲自生沙流迴薄成不淹時其後未幾龍飛江漢
矣縣東二里有縣人劉凝之故宅凝之字志安兄
盛公高尚不仕凝之慕老萊巖子陵之為人立屋
江湖非力不食妻梁州刺史郭詮女亦能安貧宋
元嘉中夫妻隱于衡山終焉不返矣縣東北十里
土臺北岸有迤洲長十餘里義熙初烈武王斬桓
謙處縣東南二十里富城洲上有道士范儕精廬

自言巴東人少遊荆土而多盤桓縣界惡衣麤食
蕭散自得言來事多驗而辭不可詳人心欲見歛
然而對貌言尋求終弗遇也雖逕跨諸洲而舟人
未嘗見其濟涉也後東遊廣陵卒于彼土儕本
趙無此字而無定止處宿憩一小庵而已弟子慕
有在洲二字之于其昔遊共立精舍以存其人縣有陳留王子
香廟頌稱今按趙子香于漢和帝之時出為荊州
刺史有惠政天子徵之道卒枝江亭中常有三白
虎出入人間送喪踰境百姓追美甘棠以永元十
八年立廟設祠刻石銘德號曰枝江白虎王君其

子孫至今猶謂之為白虎王

江水又東會沮口

今案此七字改經為注戴趙同

楚昭王所謂江漢

沮漳楚之望也又南過江陵縣南

今案此九字戴趙作經當依

北有洲號曰枚迴洲

或云枝江所迴繞故亦曰枝迴

江水自此兩分

而為南北江也北江有故鄉洲

元興之末桓玄西奔毛祐之與參軍費恬射玄于

此洲玄子昇年六歲輒拔去之王韶之云玄之初

奔也經日不得食左右進麤粥咽不下昇抱玄胷

撫之玄悲不自勝至此益州都護馮遷斬玄于此

洲斬昇于江陵矣

下有龍洲洲東有龍洲

二洲之間世擅多魚矣漁者投罟歷網往往維今按

戴作絕有潛客泳而視之見水下有兩石牛嘗為

罾害矣故漁者莫不擊浪浮舟鼓枻而去矣

其下謂之邠里洲洲有高沙湖湖東北有小水通江

名曰曾口江水又東逕鸞尾洲北

今案此九字改經為注戴趙同

靈溪水水無泉源上承散水合成

今按戴作承大溪南流

注江

江溪之會有靈溪成背河面江西帶靈溪故成得

其名矣

江水東得馬牧口

今案此七字改經為注戴趙同

江水斷洲通會江

水又東逕江陵縣故城南

今案此十一字改經為注戴趙同

禹貢荆及衡陽惟荆州蓋即荆山之稱而制州名

矣故楚也子革曰我先君僻處荆山以供王事遂

遷紀郢今城楚船官地也春秋之渚宮矣秦昭襄

王二十九年使白起拔郢郢以漢南地而置南郡

焉周書曰南國名也南氏有二臣力鈞勢敵競進

爭權君弗能制南氏用分為二南國也按韓嬰敘

詩云其地在南郡南陽之間呂氏春秋所謂禹自

塗山巡省南土者也是郡取名焉後漢景帝以為

臨江王榮國王坐侵廟垣

今案戴作孺

地為宮被徵升

車出北門而軸折父老竊流涕曰吾王不還矣自

後北門不開蓋由榮非理終也漢景帝二年改為

江陵縣

秦置南郡即治江陵高帝元年改郡名曰臨江以封共敖而本表曰都江陵高帝五年復曰南郡景帝二年又曰臨江郡以封子榮中

二年復為南郡蓋郡名有更易縣名無改移注非是

王莽更名郡曰

今案趙無此二字

南順縣曰江陸舊城

關羽所築羽北圍曹仁呂蒙襲而據之羽曰此城

吾所築不可攻也乃引而退杜元凱之攻江陵也

城上人以瓠繫狗頸示之元凱病瘵故也及城陷

殺城中老小血流沾足論者以此薄之

江陵城地東南傾故緣以金隄自靈溪始

桓溫合陳遵造遵善于方功使人打鼓遠聽之知地勢高下依傍創築畧無差矣城西有樓霞樓俯臨通隍吐納江流城南有馬牧城西側馬徑

此洲始自枚迴下迄于此長七十餘里洲上有奉城故江津長所治

舊主度州郡貢于洛陽因謂之奉城

亦曰江津戍也戍南對馬頭岸

昔陸抗屯此與羊祜相對大弘信義談者以為華元子反復見于今矣

北對大岸謂之江津口故洲亦取名焉江大自此始

也家語曰江水至江津非方舟避風不可涉也故郭

景純云濟江津以起漲言其深廣也江水又東逕郢

城南今案此八字改經為注戴趙同

子囊遺言所築城也地理志曰楚別邑故郢矣王

莽以為郢亭城中有趙臺卿冢岐平生自所營也

冢圖賓主之容用存情好敘其宿尚矣


江水又東得豫章口今案此八字改經為注戴趙同夏水所通也

西北有豫章岡蓋因岡而得名矣或言因楚王豫

章臺名所未詳也

水經注第三十一終

後學王梓材錄董沛重校



水經注第三十二

范陽酈道元注

鄞全祖望校

布政使銜浙江甯紹台兵備道無錫薛福成校刊

江水三

又東至華容縣西夏水出焉

江水左迤為中夏水右則中郎浦出焉江浦右迤南

派屈西極水曲之地

今按戴梓材按趙氏朱箋刊無此字勢誤云屈西原作屈而

全氏校改

世謂之江曲者也

又東南當華容縣南涌水入

今按趙作出焉

江水又東涌水注之

今按此八字改經為注戴趙同水自夏水南通

于江二水之間謂之涌口

今按此二句戴本上下互易

春秋左氏傳

今按戴無此三字

所謂閭敖游涌而逸者也

江水又逕南平郡孱陵縣之樂鄉城北

今按此十五字改經為注

戴趙同

吳陸抗所築後王濬攻之獲吳水軍督陸景於此

渚也

又東南油水從西南來注之

別見油水篇

又東右合油口又東逕公安縣北

今按此十三字改經為注戴趙同

劉備之奔江陵使築而鎮之曹公聞孫權以荊州

借備臨書落筆杜預克定江南罷華容置之謂之

江安縣南郡治吳以華容之南鄉為南郡晉太康

元年改曰南平也

縣有油水水東有景口口即武陵郡界景口東有淪

口淪水南與景水合又南

今按戴作東

通澧水及諸陂湖

自此淵池

今按戴作潭

相接悉是南蠻府屯也故側江

有大城相承云倉儲城即邸閣也

江水左會高口

今按此六字改經為注戴趙同

江浦也右對黃州江

水又東得故市口

今按此八字改經為注戴趙同

水與高水通也江

水又右逕楊

今按戴作陽

岐山北

今按此九字改經為注戴趙同

山枕大江山東有城故華容縣尉舊治也

大江又東左合子夏口

今案此九字改經為注戴趙同

江水左迤北

出通于夏水故曰子夏也大江又東左得侯臺水口

今案此十字改經為注戴趙同江浦也大江右得龍穴水口今案此八字改

經為注戴趙同江浦右迤也北對虎洲又洲北有龍巢

地名也昔禹南濟江黃龍夾舟舟人五色無主禹

笑曰吾受命於天竭力養民生性也死命也梓材按趙

氏朱箋刊誤云生下落性也二字寰字記引此文校增今依之。今按戴亦依增何憂龍

哉于是二龍弭鱗掉尾而去焉故水地取名矣

江水自龍巢而東得俞口今案此十字改經為注戴趙同夏水泛盛

則有冬無之

江之北岸上有小城故監利縣尉治也

又東得清揚今按戴作陽土塢二口今案此九字改經為注戴趙同江浦

也大江右迤石首山北又東迤赭要今案此十三字改經為注戴趙

赭要洲名在大江中次北湖洲下

江水左得飯筐上口今案此八字改經為注戴趙同秋夏水通下口

上下口今按趙本無此三字間相距三十餘里赭要下即楊子

洲在大江中

二洲之間常苦蛟害昔荆伐飛濟此遇兩蛟斬之

自後罕有所患矣

江之右岸則清水口口上即錢官也水自牛皮山東

北通江北對清水洲洲下接生江洲南即生江口水

南通澧浦江水左今按趙會飯筐下口江浦所入也

江水又右得上檀浦今案此入字改江澆也江水又

東逕竹町南今案此入字改江中有觀洋澆趙氏朱

云舊作詳澆全氏校改澆東有大洲洲東分爲爵洲

洲南對湘江口也

又東至長沙下雋縣北澧水沅水資水合東流注之皆

有

凡此諸水皆注于洞庭之陂是乃湘水非江川也今

戴無

湘水從南來注之別有

江水右會湘水所謂江水會者也江水又東左得二

夏浦今案此九字改俗謂之西江口又東逕忌置山

南山東即隱口浦矣

江之右岸有城陵山山有故城東接微落山亦曰

暉落巖今按戴作

江之南畔名黃金瀨瀨東有黃金浦良父口夏浦也

又東逕彭城口今案此六字改水東有彭城巖故水

受其名即玉澗水出巴邱縣東玉山玉溪北流注于

江江水自彭城巖東逕如山北今案此十一字改北

對隱巉二巉之間

今按趙有大有獨石孤立大江中江之中四字

山東江浦世謂之白馬口江水又左逕白螺山南

今案

此九字改經為注戴趙同

右歷鴨蘭巉北

江中山也

東得鴨蘭泊浦二口夏浦也江水左逕上烏林南

今案

此八字改經為注戴趙同

村居地名也

又東逕烏黎口江浦也即中烏林矣又東逕下烏林

南

吳黃蓋敗魏武於烏林即是處也

江水又東左得子練口

今案此九字改經為注戴趙同

北通練浦又

東合練口江浦也南直練洲練名所以生也江之右

岸得蒲巉口即陸口也水出下雋縣西三山溪其水

東逕陸城北又東逕下雋縣南

故長沙舊縣王莽之閩雋也宋元嘉十六年割隸

巴陵郡

陸水又屈而西北流又逕其縣北

北對金城吳將陸渙所屯也

陸水又入蒲圻縣北逕呂蒙城西

昔孫權征長沙零桂所鎮也

陸水又逕蒲巖山北入大江謂之刀環口又東逕蒲巖山北北今按趙無此字對蒲圻洲亦曰擎洲又曰南洲

洲頭卽蒲圻縣治也晉太康元年置

洲上有白面洲洲南又有灤口水出豫章艾縣東入蒲圻縣至沙陽西北魚嶽山入江

山在大江中楊子洲南孤峙中洲

江水左得中陽水口又東得白沙口今案此十四字改經爲注戴趙

同一名沙屯卽麻屯口也本名菴默口江浦矣南直

蒲圻洲

水北入百餘里吳所屯也

又逕魚嶽山北下得金梁洲洲東北對淵洲一名淵

步洲江濱從洲頭以上悉壁立無岸歷蒲圻今按此二字趙

作專岐至白沙方有浦上甚難江中有沙陽洲

沙陽縣治也縣本江夏之沙羨矣晉太康中改曰

沙陽縣宋元嘉十六年割隸巴陵郡

江之右岸有雍口亦謂之港口東北流爲今按趙長

洋港又東北今按趙有流字逕石子岡

岡上有故城卽州陵縣之故城也莊辛所言左州

侯國矣

又東逕州陵新治南

王莽之江夏也

港水東南流注于江謂之洋口南對龍穴州沙陽洲之下尾也

洲裏有駕部口宋景平二年迎文帝于江陵法駕頓此因以為名文帝車駕發江陵至此黑龍躍出負帝所乘舟左右失色上謂長史王曇首曰乃夏禹所以受天命矣我何德以堪之故有龍穴之名焉

江水又東右得聶口

今按此入字改經為注戴趙同江浦也左對聶洲江水左逕百人山南

今按此入字改經為注戴趙同右逕赤壁山

北

昔周瑜與黃蓋詐魏武大軍處所也

江水東逕大軍山南

今案此入字改經為注戴趙同山東有山屯夏

浦江水左迤也

江中有石浮出謂之節度石

右則塗水注之水出江州武昌郡武昌縣金

今按趙作泰

山西北流逕汝南僑郡故城南

咸和中寇難南逼戶口南渡因置斯郡治于塗口

塗水歷縣西又西北流注于江江水又東逕小軍山

南今案此九字改經為注戴趙同臨側江津東有小軍浦江水又東

逕雞翅山北

今案此九字改經爲注戴趙同

山東卽土城浦也

又東北至江夏沙羨縣西北沔水從北來注之

別見沔水篇

沔水上承沔

今按戴作沔

陽縣之太白湖東南流爲沔水

逕沌陽縣南注于江謂之沌口

有沔

趙一清曰原脫此字今校補

陽都尉治晉永嘉六年王敦

以陶侃爲荊州鎮此明年徙林鄣

今按趙作嶂

江水又東逕歎父山南對歎州

今案此十二字改經爲注戴趙同

亦

曰炭

今按戴作歎

步矣江之右岸當鸚鵡洲南有江水右

迤謂之驛渚三月之末水下通樊口水江水又東逕

魯山南

今案此八字改經爲注戴趙同

古翼際山也地說曰漢與江

合于衡北翼際山傍者也

山上有吳江夏太守陸渙所治城蓋此二水之名

地理志曰夏水過郡入江故曰江夏也舊治安陸

漢高帝六年置

閻若璩曰漢志安陸居第八縣按志首西陵

吳乃徙此

城中有晉征南將軍荊州刺史胡奮碑又有平南

將軍王世將刻石記征杜曾事

按征杜曾者是王廙○梓材按趙本

引全氏語如此但王廙字世將固一人也此殆全氏前校語之無足留者趙氏留之亦疏矣有

劉琦墓及廟也山左卽沔水口矣沔左有卻月城

亦曰偃月壘戴監軍築故曲陵縣也後乃沙羨縣

治也

今按戴無此字

昔魏將黃祖所守

劉表之將黃祖領江夏太守孫權擒

之曹操得荆州祖骨朽久矣遣董襲凌統攻而擒之爾衡亦遇

害于此衡恃才倜儻肆狂狷于無妄之世保身不足遇非其死可謂咎悔之深矣

江之右岸有船官浦歷黃鵠巖西而南矣直鸚鵡洲

之下尾江水澆洄今按戴作曰泝浦是曰黃軍浦

昔吳將黃蓋軍師所屯故浦得其名亦商舟之所會矣

船官浦東即黃鵠山林澗甚美

譙郡戴仲若野服居之周嬰曰宋書戴顓字仲若譙郡經人衡陽王義季鎮

京口長史張邵與顓姻通迎來上黃鵠山山北有竹林精舍林澗甚美顓憇此澗義季亟從之遊太

祖每欲見之嘗謂張敷曰吾東巡日當譙戴公山也按此則仲若所在黃鵠乃京口之山酈氏誤矣

山下謂之黃鵠岸岸下有灣目之為黃鵠灣黃鵠山

東北對夏口城

魏黃初二年孫權所築也依山傍江開勢明遠憑

墉藉阻高觀枕流上則遊目流川下則激浪崎嶇

實舟人之所艱也

對岸則入沔津故城以夏口為名

亦沙羨縣治也

江水左得湖口水通太白湖又東合瀟口水上承澗

水于安陸縣而東逕瀟陽縣北東流注于江江水又

東湖水自北南注謂之嘉吳江右岸頻得二夏浦北對東城洲西

浦側有雍伏戍

江之左今按戴作右岸東會龍驤水口出北山蠻中江之

右今按戴作左有武口水上通安陸之延頭今案江水左得湖口至此

並改經為注戴趙同

宋元嘉二年衛將軍荊州刺史謝晦阻兵上流為征北檀道濟所敗走奔于此為戍主光順之所執

山處也

南至武城俱入大江南直武洲洲南對楊桂水口江

水南出也

通金女大文桃班三治吳舊屯所在荊州界盡此

江水東逕若城南今案此七字改經為注戴趙同庾仲雍江水記曰

若城至武城口三十里者也南對郭口夏浦而不常

泛矣東得苦菜夏浦浦東有苦菜山江逕其北故浦

有苦菜之名焉

山上有菜苦可食

江水左得廣武口江浦也江之右岸有李姥浦

浦中偏無蚊蚋之患矣

北對崢嶸州

冠軍將軍劉毅破桓玄于此洲玄乃挾天子西走

江陵矣

又東過邾縣南

江水東逕白虎巖北

山臨側江濱

又東會赤溪夏浦浦口江水右迤也又東逕貝巖北

庾仲雍謂之沛岸矣江右岸有秋口江浦也又東得

烏石水出烏石山南流注于江江水右得黎巖一作磯

浦又東逕上磧北

今案此八字改經為注
戴趙同惟趙省一磯字

嶺山名也仲雍謂之大小竹磧也

北岸烽火洲即舉洲也北對舉口

仲雍作莒字得其音而忘其字非也

舉水出龜頭山西北流逕蒙龍戍南

舉梁定州治蠻田超秀為刺史

舉水又西流左合垂山之水水北出垂山之陽與弋

陽澠水同發一山故是水合之

水之東有南口戍

又南逕方山戍西西流注于舉水又西南逕梁司豫

蠻田魯生為刺史治湖陂城亦謂之水城也

舉水又西南逕顏城南又西南逕齊安郡西倒水注

之水出黃武山南流今按趙無此字逕白沙戍西又東南逕

梁達城戍西東南合舉水舉水又東南歷赤亭下謂

之赤亭水又分為三水南流注于江謂之舉口南對

舉洲

春秋左傳定公四年吳楚陳于柏舉京相璠曰漢

東地矣江夏有沮水或作舉疑即此也

左水東南流入于江今按戴本多一江字辭曰文方口江之右

岸有鳴鳳口江浦也

浦側有鳳鳴戍

江水又東逕邾縣故城南今案此十字改經為注戴趙同

楚宣王滅邾徙居于此故曰邾也漢高帝元年項

羽封吳芮為衡山王都此晉咸和中庾翼為西陽

太守分江夏立四年豫州刺史毛寶西陽太守樊

俊共鎮之為石虎將張格度所陷自爾邱墟焉城

南對蘆洲舊吳時築客舍于洲上方便唯所止焉

亦謂之羅洲矣

鄂縣北今按此三字戴作經當依江水右得樊口今案此六字改經為注戴趙同

庾仲雍江水記云谷里袁口江津南入歷樊山上下

三百里通新興馬頭二治樊口之北有灣

昔孫權裝大船名之曰長安亦曰大船載坐直之士三千人與羣臣泛舟江津屬值風起權欲西取蘆洲谷利不從乃拔刀急上令取樊口薄船船至岸而敗故名其處為敗船灣因鑿樊山為路以上人即名其處為吳造峴在樊口上一里今厥處尚存

江水又左逕赤鼻山南

今案此九字改經為注戴趙同

山臨側江川

又東逕西陽郡南

今案此九字改經為注戴趙同

郡治即西陽縣也

今案此七字改經為注戴趙同

晉書地道記以

為弦子國也

江之右岸有鄂縣故城

今案此九字改經為注戴趙同

舊樊楚地世本稱熊渠封其中子之名某者為鄂

王

朱謀埜曰史記楚世家為中子紅。今案戴本徑改紅

晉太康地記以為

東鄂矣九州記曰鄂今武昌也孫權以魏黃初元年自公安徙此改曰武昌縣鄂縣徙治于袁山東又以其年立為江夏郡分建業之民千家以益之至黃龍元年權遷都建業以陸遜輔太子鎮武昌孫皓亦都之皓還東令滕牧守之晉惠帝永平中始置江州傅綜為刺史治此城後太尉庾亮之所

鎮也今武昌郡治

城南有袁山

卽樊山也武昌記曰樊口南有大姥廟孫權常獵于山下依夕見一姥問權獵何所得曰正得一豹母曰何不豎豹尾忽然不見應劭漢官序曰豹尾過後執金吾罷屯解圍天子鹵簿中後屬車施豹尾于道路豹尾之內爲省中蓋權事應在此故爲立廟也又孫皓亦嘗登之使將害嘗之王蕃而以其首虎爭之

北背大江

江上有釣臺權常極飲其上曰墮臺醉乃已張昭盡言處城西有郊壇權告天卽位于此顧謂公卿曰魯子敬嘗言此可謂明于事勢矣城東故城言漢將灌嬰所築也

江中有節度石三段廣百步高五六丈

是西陽武昌縣分江于斯石也

又東得五丈浦

今案戴本無此句

又東得次浦江浦也東逕

五嶼北有五山沿次江陰故得是名矣仲雍謂之五

圻江水左則巴水注之

今案此八字改經爲注戴趙同

水出雩婁縣

之下靈山卽大別山也與決水同出一山故世謂之

分水山亦或曰巴山南歷蠻中

吳時舊立屯于水側引巴水以溉野

又南逕巴水戍南流注于江謂之巴口又東逕軹縣

故城南今案此八字改經為注戴趙同

故弦國也此是漢志語而前西陽郡下又引王隱晉書地道記是為複也○趙本引全氏

校春秋僖公五年秋楚滅弦弦子奔黃者也漢惠

帝元年封長沙相利倉沈炳異曰漢表作黎朱倉此從史表為侯國

城在山之陽南對五洲也江中有五洲相接故以五

洲為名
宋孝武帝舉兵江州建牙洲上有紫雲蔭之即是

洲也

東會希水口出灄縣霍山西麓

山北有灄縣故城今案以上二十字改經為注戴趙同地理志曰縣

南有天柱山即霍山也有祠南嶽廟音潛梓材按趙氏從

譚友夏之言謂二字注中注蓋與全校同齊立霍州治此

西南流分為二水枝津出焉希水又南積而為湖謂

之希湖湖水又南流逕軹縣東而南流注于江是曰

希水口者也然水流急濬霖雨暴疾今按戴作漲漂濫無

常行者難之大江右岸有厭里口安樂浦今案此十為注戴一字改經

趙同

從此至武昌尚方作部諸屯相接枕帶長江

又東得桑步步下有章浦

本南陽郡治此地安得為南陽郡治或因下南陽山而譌先宗伯公曰當作西陽郡治

是也。今案戴本徑改西今悉荒蕪

江水左得赤水浦今案此七字改經為注戴趙同夏浦也江水又東

逕南陽山南今案此九字改經為注戴趙同又曰芍嶷亦曰南陽嶷

仲雍謂之南陽圻一名洛至圻一名石姥水勢迅急

江水又東逕西陵縣故城南今案此十一字改經為注戴趙同

史記秦昭王遣白起伐楚取西陵者也漢章帝建

初二年封陰棠今按戴作堂為侯國

江水東歷孟家澁江之右岸有黃石山水逕其北今案

此十九字改經為注戴趙同即黃石嶷也一名石茨圻

有西陵縣治也今案戴無此字縣北則三洲也山連延今案

趙作逕江則東山偏高謂之西塞東對黃公九嶷所

謂九圻者也于行小難兩山之間為闕塞也從此

濟于土復今按趙作復土復者北岸地名也

又東過蕲春縣南蕲水從北東注之別見蕲水篇

江水右得葦口江浦也浦東有葦山江水東逕山北

北崖有東湖口江波左迤流結成湖故謂之湖口矣

江水又東得空石口江浦在右臨江有空石山南對

石穴洲

洲上有蘄陽縣治也

今按戴無此字

又東蘄水注之江水又東逕蘄春縣故城南

世祖建武三十年封陳俊子浮為侯國也

今按戴無此字

江水又東得銅零口江浦也大江右逕蝦蟇一作山

北而東會海口水南通大湖北達于江左右翼山江

水逕其北東合臧口江浦矣今按戴作也江水又左逕長

風山南得長風口江浦也江水又東逕積布山南俗

謂之積布巖又曰積布圻庾仲雍所謂高山也

此即西陽尋陽二郡界也

右岸有土復

今按趙作復

口浦江也夾浦有江山山東

今按

趙有護口

今按趙無此字

江浦庾仲雍謂之朝二浦也

朝二

浦先宗伯公手校本作朝江浦即上護江浦之義

又東過下雉縣北利水從東陵西南注之

江水東逕琵琶山南

山下有琵琶灣也

今按戴無此字

又東逕望夫山南又東得苦菜水口夏浦也江之右

岸富水注之水出陽新縣之青湓山西北流逕陽新

縣

故豫章之屬縣矣地多女鳥玄中記曰陽新男子

于水次得之遂與其居生二女悉衣羽而去豫章
間養兒不露其衣言是鳥落塵于兒衣中則令兒
病故亦謂之夜飛遊女矣

又西北逕下雒縣

王莽更名之潤光矣後併新陽

孫吳并下雒置陽
新未嘗并下雒入

新陽也○趙本引全氏校
語○今案戴本徑改陽新水之左右公私裂漑咸

成沃壤舊吳屯所在也

江水又東右得蘭溪水口並江浦也又東左得青林

口今案此七字改
經為注戴趙同江水左傍青林湖即利水梓材案
此八字

趙氏朱箋刊誤云據寰宇記
補今依之○今按戴本無水出廬江郡之東陵鄉

江夏有西陵縣故是言東矣尚書云江水過九江

至于東陵者也按此則善長不以洞庭為九江以
是知第四十九卷江在長沙下雒

之文非水經所有如以為經注互
異則彼文善長何無一語糾正之

西南流水積為湖湖西有青林山

宋太始元年明帝遣沈攸之西伐子勛伐柵青山

觀一童子甚麗問伐者曰取此何為答欲討賊童

子曰下旬當平何勞伐此在衆人之中忽不復見

故謂之青林湖

湖有鯽魚食之肥美辟寒暑

湖水西流謂之青林水又西南歷尋陽分為二水一

水東流通大雷一水西南流注于江經所謂利水也

右對馬頭岸自富口迄此五十餘里岸阻江山

結崎亭集跋江水篇曰江水失去第四篇而青林湖以下水竟無考胡東樵閣潛邱不知其闕乃謂已見沔水篇者真妄言也沔水乃北江之流而中江將安所歸也按說文泠水出丹陽宛陵西北入江作此嚙語也泠水也其可考者惟溧水見說文亦見今不知為何水也漢志應劭以為南湖蓋今之丹陽高渚石白諸湖也廬江之北湖見漢志則樅陽湖也而陵陽之淮水即秦淮則已見沔水篇矣考漢志宛陵縣下云彭澤聚在西水清也其地俱合應劭誤以此泠水疑即說文之泠水故臣瓚非之曰宛陵去豫章北水為冷道之泠水故臣瓚非之曰宛陵去豫章北界三千以瓚為是不知此乃丹陽之泠水于豫章以師古與乎杭人趙生一清曰清蓋今清弋江一帶頗為近

今案江水原佚第四卷趙本雜採他書以補其缺稍見脈絡茲據其所引水經注附錄之初學記舒州引云破虜磯東有趙屯城內有倉和州引云江城北逕烏江縣之豐浦上通湖池又云次得陰塘水同受皇中湖連為包湖西翼潭湖文選江賦注引云吳王賜子胥死浮尸于江夫差悔與羣臣臨江設祭修塘道及壇吳人因為立廟而祭焉太平御覽引云東南流大雷入江謂之小雷也太平御覽引云東南流大雷入江謂之小雷也亦呼大雷神桐城縣引云對雷水之北側有周喻廟成俗訛謂之小益塘即此地雷水又東南流盛唐州引云西江對白鷺洲又云舊樂遊苑宋元嘉十一年林浦西對白鷺洲又云舊樂遊苑宋元嘉十一年以其地為曲水武帝引流轉酌賦詩又云朱湖在溧陽書敘指南引云和州地名洞浦名勝志桐城縣引云樅陽湖繞團亭與江水合而東流太湖縣引云晉泰始二年置縣在龍山太湖水邊水出縣西積稻山東南流入大江方輿紀要和州引

云江水又北得黃律口即烏江渡也常熟縣引云
 崑承湖廣長各十八里皆是注佚文故即各書先
 後之序錄于卷末如欲尋湖水道自西而東則趙
 氏已言之此不復贅焉○又案趙引寰宇記間有
 脫文今檢
 原書補

水經注第三十二終

後學王梓材錄董沛重校

